



Hunta di Comisario di AAA NV lo por haya retiro otro siman



Pagina 2

- **Sospechoso den incidente fatal di trafico deporta sin huicio**

Pagina 6

- **Prisionero a cende prison Point Blanche na St. Maarten na candela**

Pagina 9

- **Corte Supremo por blokea Trump su orden di derecho di ciudadano**

Pagina 22

Tur cos ta back na normalidad na KIA; lockdown pa motibo di TBC no ta vigente mas



Pagina 3

Argentina ta ordena accion contra inmigracion den decreto nobo



Pagina 10

TUI

FLASH DEAL

10%

DI DESCUENTO

RIBA TICKET DI TUI

PA SALIDA TE CU FIN DI OKTOBER 2025

LAST CALL

BISHITA NOS TUI SHOP OF RESERVÁ ONLINE VIA WWW.TULAW CU CÓDIGO FD25TF

Hunta di Comisario di AAA NV lo por haya retiro otro siman

Ayera den noticia local a circula informacion cu proximo siman, lo tin otro intento pa retira e Hunta di Comisario di Aeropuerto di Aruba. Esaki no ta e prome biaha cu e noticia di e intento di retiro di e Hunta di Comisario di aeropuerto ta circula, ya cu apenas siman pasa, tabatin un reunion cu e obhetivo aki, pero cu no a resulta manera a premira.

Esaki a keda publica den un relato di portal online, NoticiaCla.

Segun e noticiero, proximo siman diabierna ta bay tin un reunion, cu intencion pa duna retiro na e Hunta di Comisario, cu mientras tanto, a logra retene nan posicion.

Comienso di luna di mei, a bira conoci cu gobierno nobo, Gabinete AVP-Futuro, kier duna retiro na tur miembro di e Hunta di Comisario y nombra miembronan nobo. Esaki riba su mes no ta extraño, pasobra ta algo cu normalmente por sucede na momento cu un gobierno nobo asumi nan cargo y ta busca pa rondona nan mes cu personanan di confiansa.

Sinembargo, e biaha aki a bati alarma pa e manera con e intento a bay, cu lo tabata contra bon gobernacion. E miembronan cu lo mester a haya e retiro tabata malcontento pa e manera cu a notifica nan di nan retiro.

E tempo aya, minister di Turismo, Wendrick Cicilia (AVP) a confirma pa NoticiaCla cu



a manda na e miembronan y management team interino un invitacion pa un reunion general unda lo discuti e asunto, siman pasa na Bestuurskantoor. Aki e idea lo tabata pa duna retiro na e cuatro miembro actual di e Hunta di Comisario, y nombra cuatro miembro nobo.

Segun e relato, un di e miembronan nobo cu tabata kier a introduci ta e actual Chief of Staff di minister Cicilia, otro ta miembro di directiva di Aruba Tourism Authority (A.T.A), otro cu ya den pasado a yega di forma parti di hunta di AAA NV, y e di cuatro lo ta un Mericano, cu experiencia den aviacion, cu tambe ya a yega di forma parti di e hunta. Ta specula cu e Mericano lo ta e representante di Royal Schiphol Group, cu segun e MoU firma recientemente, lo a pidi pa un asiento den e Hunta di Comisario nobo.

E problema principal sinembargo ta keda e manera con a

yama e reunion. A manda un e-mail na e miembronan actual di e Hunta di Comisario diabierna tardi, pa presenta den menos cu un siman na un reunion pa haya nan retiro.

Reaccion ex-minister Dangui Oduber

Mientras tanto, ex-minister di Gabinete Wever-Croes II, actual parlamentario di MEP, Dangui Oduber, a manda un serie di pregunta na minister Cicilia tocante e suceso aki. Su carta ta confirma e disputa cu tin andando den AAA NV, y a confirma tambe e rol di e acuerdo nobo cu Royal Schiphol Group.

“Prome, nos por a tuma nota cu Minister Cicilia ta firma un acuerdo cu Royal Schiphol Group pa nombra un CEO Hulandes y asina kita oportunidad di nos Rubiano, nos profesional, esun cu conoce nos isla, nos cultura, y sa kico ta come y bebe di turismo. Ora a pensa cu e lo por tin un poco remordi-

miento di e mal decision aki, ta yega na nos oido cu Sr. Cicilia kier cambia e statuto di AAA N.V. Sr. Cicilia kier introduci un cambio preocupante, esta e posibilidad pa nombra un miembro di Hunta di Comisario (1) pa un periodo indefini y (2) sin limite di edad. Esaki ta bay directamente contra Good Corporate Governance y ta habri porta pa politisa un entidad cu ta clave pa nos desarrollo economico,” Oduber a splica den un comunicado di prensa.

“Minister Cicilia no ta brinda e hunta ningun tipo di respet y ta hisa benta decision sin a reuni debidamente cu e hunta di directiva. Pues decisionnan crucial ta wordo tuma sin reunion of consulta cu e organo di supervision, algo cu tambe ta contra tur regla di transparencia y bon maneho,” el a continua.

“Ademas, ta parce cu Minister Cicilia, cu ta un hurista, no a tuma su tempo pa pasa door

di e concepto di ley di Corporate Good Governance. E falta di consulta cu DWJZ, ausencia di motivacion den decisionnan, falta di transparencia cu Parlamento door di keda sin contesta pregunta y e insistencia pa entrega control na stranhero y na ‘un grupito’ sin consideracion pa nos profesionalnan local, ta refleha un direccion hopi preocupante pa nos pais y nos hendenan. Como pueblo, nos mester keda alerta. E estructura di bon gobernacion ta existi pa proteha e interes general, pa preveni abuso di poder y pa stimula confiansa den nos institucionnan.

Tur intento pa debilita esaki mester wordo cuestiona y rechasa,” e parlamentario a bisa, finalizando cu un yamado pa resolusion di e asunto: “Mi ta haci un yamada na e Gobierno AVP-Futuro pa brinda transparencia y contesta e preguntanan nos di Fraccion MEP a haci pa preserva integridad y honra codigo di bon gobernacion.”

Tweede Kamer kier promove economia circular conhunto entre Aruba, Bonaire y Corsou

Durante e debate plenario di Comision di Relacionnan di Reino di Tweede Kamer, dia 14 di mei ultimo, parlamentario Mpanzu Bamenga (D66) a entrega un mocion exigiendo aplicacion di legislacion ambiental den parti Caribense di Reino Hulandes. Den e mocion, e ta solicita gobierno pa promove cooperacion regional entre Bonaire, Aruba y Corsou den area di procesamiento di desperdicio.

Durante e debate, e parlamentarianan den e comision a delibera tocante e situacion



na e dump na Lagun, opera pa e compania di procesamiento

di desperdicio Selibon na Bonaire. Nan a nota cu e situa-

cion ta presenta un menasa serio contra tanto salubridad publico di e residentenan den e area, y e ambiente natural riba e isla.

Den e mocion entrega pa Bamenga, y firma tambe pa parlamentarianan Faith Bruyning (NSC), J.P. van Haasen (PVV), Don Ceder (CU), y Aukje de Vries (VVD), ta nota cu tur otro isla den parti Caribense di Reino ta enfrentando problema cu maneho di desperdicio, cu efectonan similarmente dañino riba nan medio ambiente.

“Considerando cu un solucion structural y sostenible

ta necesario pa procesamiento di desperdicio na Bonaire pa preveni situacionnan similar den futuro; ta solicita gobierno pa promove cooperacion regional entre Bonaire, Aruba y Corsou den e area di maneho di desperdicio lo mas posible,” e mocion ta bisa, “y mediante e maneho aki, pa crea un economia circular conhunto riba e islanan.”

E mocion ta agrega ademas e solicitud pa aplica e lesnan cu a siña for di e solucionnan riba e islanan di Aruba, Bonaire y Corsou, na e islanan di Sint Eustatius, Saba y Sint Maarten, cu ta enfrenta problemanan similar.

Parlamentario Wever-Croes cu pregunta na minister Wendrick Cicilia tocante suspension temporal di 'arbeidsmarkttoets' pa solicitantenan di permiso

Ayera parlamentario lider di fraccion MEP, y ex prome minister, Evelyn Wever-Croes a manda por escrito diferente pregunta pa minister di Turismo, Transporte y Labor, Wendrick Cicilia relaciona cu anuncio di eliminacion di arbeidsmarkttoets.

Den su carta, cu ta contene 11 pregunta dirigi na e mandatario di Turismo, Transporte y Labor, parlamentario Wever-Croes ta indica cu el a tuma di un anuncio recien di Camara di Comercio (KvK) cu ta indica cu ta elimina e arbeidsmarkttoets y tambe un comunicado di un parlamentario.

Wever-Croes ta splica cu despues di a haci un investigacion el a conclui for di un solo medio di comunicacion cu e anuncio cu e ta referi na dje ta basa riba un instruccion di maneho di minister di Husticia, Integracion y Transporte Publico Arthur Dowers.

El a splica cu minister Dowers a instrui cu entrante di 24 di april 2025, e exigencia cu tabatin pa tur persona cu haci solicitud di un permiso di estadia cu e meta pa subi e mercado laboral, di pasa prome un toets via Departamento di Progreso Laboral (DPL), e asina yama 'arbeidsmarkttoets', no ta vigente mas.

E cambio di maneho aki, parlamentario Wever-Croes a señala, ta nifica cu tur peticion lo ser entrega directamente na DIMAS. El a menciona cu segun minister Dowers a



indica e cambio di maneho aki ta basa pa adresa e necesidad cu tin pa empleado den e mercado local y pa agilisa e proceso di peticion.

Como cu DPL ta resorta bao di minister Cicilia, Wever-Croes a manda algun pregunta pa e mandatario relaciona cu e topico aki.

E parlamentario ta puntra minister Cicilia si e tabata na altura di e instruccion di maneho emiti pa minister Dowers prome cu el a drenta na vigor, y si e por informa dicon no a anuncia esaki por medio di un comunicado di prensa of conferencia di prensa.

Parlamentario Wever-Croes tambe ta pidi e minister por informa si nan a envolvi of a consulta cu DPL den e proceso di tuma e decision aki;

si e departamentonan DPL, DAO y DWJZ a duna nan conseho na gobierno prome cu nan a tuma e decision pa elimina e 'arbeidsmarkttoets'; si e por comparti e conehonan aki cu Parlamento di Aruba; y si e por comparti tambe e maneho nobo di gobierno cu parlamento.

E parlamentario a puntra minister Cicilia kico ta su posicion, como Minister di Labor, riba e cambio di maneho aki; y con e ta mira e impacto di esey riba e rol y funcionamiento di DPL.

Wever-Croes a pidi e mandatario pa informa parlamento kico ta e consecuencia cu e decision aki por tin pa proteha trabao y vacatura pa e mercado local laboral; y alabes a puntra si e ta considera cu e decision aki como un interferencia den su ministerio.



Por ultimo el a pidi e minister pa informa si e ta di opinion cu, den cuadro di transparencia, nan mester a informa parlamento prome cu a anuncia e cambio di maneho aki.

Den un instruccion di politica di minister di Husticia, Integracion y Transporte Publico, Arthur Dowers fecha 24 di april 2025, cu el a manda pa director di DIMAS Sr. Ruiz-Paskel, e ta indica cu despues di consulta cu e minister di Labor, ta implementa e suspension temporal di e 'arbeidsmarkttoets' realisa pa Departamento di Progreso Laboral.

E instruccion di politica ta indica lo siguiente:
"Teniendo cuenta cu loke ta stipula den articulo 7, paragraf 6 di e Ordenansa Nacional di admision y salida (LTU) di Aruba, ta dicidi cu,

cu vigencia for di awor y te cu otro aviso:

1. Pa solicitantenan di permiso di estadia cu meta pa traha na Aruba, no ta necesario pa haya un arbeidsmarkttoets pa medio di Departamento di Progreso Laboral (DPL).
2. E solicitudnan di permiso di estadia cu e meta aki mester ser entrega directamente na Departamento di Integracion, Maneho y Admision di Stranhero (DIMAS)."

Minister Dowers ta indica cu e decision pa suspende temporalmente e 'arbeidsmarkttoets' ta busca pa, den e circunstancianan actual, yuda pa un proceso mas eficiente y rapido di tramitacion di e solicitudnan y pa responde na e necesidadnan urgente di mercado laboral.

Tur cos ta back na normalidad na KIA; lockdown pa motibo di TBC no ta vigente

Den luna di april minister di Husticia Arthur Dowers a anuncia lockdown na KIA pa motibo di un cantidad halto di caso di tuberculosis (TBC). Bon Dia Aruba a tuma contacto cu KIA pa confirma cu lockdown ya no ta vigente mas y ta ricibiendo bishita normal.

Despues cu a bira conoci cu tin casonan di TBC den KIA, minister Dowers a manda haci un investigacion pa asina determina e cantidad di caso y a gravedad di esakinan.

Despues di e investigacion a sali na cla cu mas ci ocho persona tabata contagia, pero den e casonan aki e personanan tabata asintomatico, locual kiermen cu e persona no ta riesgo hopi grandi pa expande e TBC.

E personanan cu tabata contagia a ser trata y a pone nan hunto den un situacion di isolacion pa asina reduci e riesgo di mas contagio.

Tambe a tuma cierto medidanan den e instituto y un di nan tabata cu a limita bishita

di famia, unicamente por a busca por ehempel paña pa laba, pero no por a haci bishita ni tin contacto cu e persona, y comunicacion lo a bay di manera virtual y no personal.

Contactnan cu corte a tuma luga di mesun forma pa reduci e transporte di hende y e posibilidad pa contamina otro areanan.

Un luna despues, no tabatin mas informacion tocante e situacion ni si e lockdown tabata vigente ainda. Bon



Dia Aruba a tuma contacto cu KIA pa asina puntra si e lockdown tabata vigente y si tabatin algun medida implementa. Di parti di KIA a informa cu e lockdown no ta vigente mas

y cu tur cos ta back na normalidad. Tambe a indica cu no tin niun medida di seguridad tampoco na vigor pa tene cuenta cune na momento di haci bishita na e instituto.

Fundacion Lanta Papiamento ta celebra 22 aña cu Papiamento a bira idioma oficial na Aruba

“E ta e wes’i lomba di nos cultura, di nos identidad, di nos sociedad”

Dia 21 di mei Aruba ta celebra cu 22 aña pasa Papiamento a ser declara como idioma oficial. En conexion cu e dia special aki Fundacion Lanta Papiamento (FLP) kier no solamente celebra e fecha aki, pero tambe kier informa, educa y conscientisa comunidad tocante e balor y importancia cu idioma Papiamento tin.

Joyce Pereira, presidente di FLP a splica cu e dia cu Papiamento a ser declara idioma oficial a sali un ordenansa di ley nobo cu ta bisa cu Papiamento, banda di Hulandes, ta idioma oficial na Aruba. El a sigui splica cu den e ordenansa ey tabatin hopi otro cos cu a ser menciona, entre otro cu si gobierno saca un documento, e documento ey mester ta tanto na Papiamento como na Hulandes; tambe cualkier ciudadano cu manda carta pa gobierno por manda e carta na Papiamento of Hulandes si nan ta desea; y si un persona haya algun documento na Hulandes e por exige un traduccion na Papiamento.

Pereira a remarca cu den ultimo 22 aña cu pasa tin diferente logro, pero tin hopi cos cu ainda mester sucede. El a indica cu no por lubida cu Aruba tin siglos ta forma parti di e colonia Hulandes den cual e cultura, entre otro e idioma Papiamento no tabatin ningun balor pa e regimen colonial.

Ta hasta asina, el a conta, ora cu Reino Hulandes a keda es-



tableci inicialmente na 1815, e Rey di e tempo ey Willem I a exige cu den su colonianan ta Hulandes mester papia y a bin cu decreto cu mester cuminsa enfoca riba Hulandes.

Segun Pereira esey no a logra y na cierto momento na 1935 a bin un ley cu ta bisa cu si un scol kier haya subsidio, e ta haya subsidio solamente si e pasa pa Hulandes como unico idioma di instruccion locual a haci cu for di 1935 e scolnan tabatin Hulandes como unico idioma di instruccion. Esaki, el a indica, a trece consecuencia pa hopi hende, entre otro scol a bira dificil pa e muchanan y hopi mucha tabata cay afo, of tabata presenta bou di nan nivel intelectual.

“Nos ta celebra cu nos tin

Papiamento como idioma oficial y cu mester haci tur lo posibel pa conscientisa nos pueblo cu Papiamento ta importante pa nos. E ta parti di nos herencia cultural, e ta e wes’i lomba di nos cultura, di nos identidad, di nos sociedad,” el a enfatisa.

Vice presidente FLP, Carlos Croes, a splica cu e aña aki tambe Fundacion Lanta Papiamento ta celebra 16 aña di existencia, cual tambe ta forma parti di nan gran celebracion. Durante e celebracion publico lo disfruta di charla tocante kico a logra te awor, kico mester haci ainda y kico ta e balor di Papiamento. Lo tin homenahe na personanan cu a contribui di forma importante na cultura, na Papiamento y Fundacion Lanta Papiamento.

Croes a remarca cu awendia ta mas y mas notabel cu den e bida diario adultonan mes, y vooral entre hobennan ta usa mas influencia di otro idioma cu ta bin di afo, sobretodo Ingles, Hulandes y Spaño, cual por trece consecuencianan pa idioma Papiamento.

“Si nos sigui den e manera aki y no haci nada, aki 50 of 60 aña Papiamento por desaparece y nos no kier pa esey pasa. Ta nos idioma, ta nos legado cultural di mas importante y nos mester preserv’e,” el a subraya.

Cesar Kelly, secretario di FLP y tambe ex docente di Papiamento, a trece dilanti algun

punto cu basa di su experiencia como docente di Papiamento, ta importante pa pone atencion na dje.

El a splica cu uso di Ingles den comunidad ta hala hopi atencion, y pa e motibo ey mester mas enfasis riba propio uso di Papiamento. El a sigui splica cu e lucha cu tin pa preserva Papiamento ta grandi pasobra tin resistencia di hopi hende den comunidad cu talbes no ta kere den Papiamento of ainda ta sinti cu Hulandes ta e idioma mas principal, pero Papiamento tin su efecto positivo toch den hobennan.

“E lucha pa Papiamento ta sigui. Mi tin cu bisa cu ami como docente ta testigo di e atencion cu Papiamento ta haya na scol, muchanan den klas cu kier lesa, cu kier presenta, nan ta pidi turno pa papia den klas y bo ta wak e na e resultado di e pruebanan den klas,” el a indica.

Papiando di su experiencia como docente di Papiamento, el a splica cu for di su punto di bista e ta haya cu introduccion di Papiamento ta un stap den e bon caminda, pero falta hopi pa bay.

“Pa muchanan cu ta haya Papiamento ta participa mas den les cu na Hulandes pasobra nan no tin miedo di papia, pasobra tin biaha ora ta bisa algo na Hulandes y otro ta hari, esey ta stroba e mucha di participa den les. Pero Papiamento ta un idioma cu ta ser usa y por participa mas den les,” el a remarca.

Pereira a enfatisa cu en berdad e lucha ta grandi y ya caba na tin basta aña ta lucha, como profesional den enseñansa, pa Papiamento haya su luga pasobra como docente nan ta ripara cu di e lesnan por ta 80% di loke a ser treci dilanti na Hulandes, e muchanan a compronde, pero si haci’e na Papiamento tin mas participacion den klas.

El a splica cu el a haci un investigacion cual a muestra cu hopi biaha ora cu un hoben caba HAVO of VWO cu siete of ocho pa Hulandes, e no por lesa e Hulandes academico cu despues ora e bay studia nan ta exige di dje.

Esaki, el a indica, ta pasobra e studiantenan ta siña lesa pa corda, e no ta siña lesa pa compronde y esey, Pereira a subraya, ta e loke falta den un enseñansa cu no ta den idioma di e muchanan.

El a agrega cu nan ta sumamente contento cu Aruba a cuminsa e aña escolar aki cu Papiamento pa alfabetisacion den eerste klas. Pero na mesun momento el a remarca ta lamentabel cu no tin un liña mas largo despues di klas 3 tocante kico ta bay sucede cu Papiamento.

Pereira a indica cu un critica grandi cu nan tin riba politica y riba Departamento di Enseñansa ta cu no ta percura pa continuidad di e algo. El a recorda cu den pasado a cuminsa cu un proyecto cu cual a logra forma un tipo di enseñansa multilingual den cual Papiamento tabata idioma di instruccion y otro idioma importante, Hulandes Ingles y Spaño tabata ser duna na un forma special pa e muchanan por siña tambe y asina Papiamento por a yuda nan siña e otro idioma miho.

El a indica cu lamentablemente e guia pa e docentenan di scol multilingual no a continua manera mester y e maestronan a haya nan man na cabes caminda hopi biaha nan mes mester a traha material, nan mes mester a wak kico nan mester haci pa tin un continuidad di desaroyo cerca e muchanan. Pero esey a para y a cuminsa cu alfabetisacion aworaki cu el a indica ta casi mescos cu esey.



Editor
Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion
noticia@bondia.com

Pilar Flores (hefe di redaccion)
Angenette Figuereo (closer editor)
Leo Maduro
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop
Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion
Evelinda de Cuba - Tromp

Pre Press
Luis Fernando Arenas (Hefe)
Pablo Libre

Press
Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion
Sociedad Interamerica
di Prensa (SIP)

DIRECCION
Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: [@bondianoticia](https://www.facebook.com/bondianoticia)
Instagram: [bondiaaruba](https://www.instagram.com/bondiaaruba)

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.



Aruba Freedom Dividend

Nos ta tende hopi bes cu Aruba ta un pais bendiciona. En berdad nos beachnan renombra rond mundo, e clima tropical y nos ubicacion pafo di belt di horcan ta bendicionnan inmenso. Pero pa hopi e delaster añanan e lema di “One Happy Island”, no ta cuadra mas cu e realidad cu mayoria habitante di nos Isla ta sinti.

Door di ambos factor internacional manera accionnan di Banconan Central grandi despues di e pandemia di COVID-19, y e BBO na frontera, a causa cu inflacion internacional y principalmente local a explota den un manera bastante severo. Debi na esaki hopi riba nos pais a cuminsa experiencia un peliger den locual ta “bestaanszekerheid”, esta un entrada pa biba un bida relativamente digno.

Esaki no tin cu ta e caso, mescos cu na hopi pais rond mundo e no ta cu e grandura di e economia den so totalidad ta chikito, pero esta e particion “di e bolo” ta full scheef. Aunke nos no tin data detaya di esaki na e miho di mi conocimiento, nos wak por ehempel e GINI-Coefficient den varios pais a deteriora hopi e delaster decanan. Un buskeda usando Gemini AI di Google ta indica cu Aruba su GINI-Coefficient ta 0.8, esaki ta un nivel alarmantemente den e nivel di “Welvaarts Ongelijkheid” (desigualdad den bi-



enestar). E ta indica cu e si nos usa e analogia di un bolo, cu e particion di e bolo aki ta masha scheef mes, unda e top ta bay cu un parti (demasiado) grandi di e bolo.

Esaki no ta un estadistica sin su consecuencianan profundo. Nos sa como hecho cu paisnan cu desigualdad halto, tin mas problemanan den casi tur parti di nan sociedad, for di criminalidad di desesperacion, pa salud mental, salud en general, educacion, y te hasta e funcionamiento di e aparato politico op den duur ta keda afecta. Esaki siguramente no ta un estadistica unda e lema “One Happy Island” por biba bou mayoria di e pueblo, na e momento aki e ta mas “One Happy Island for the Happy Few”.

Door di e hecho aki nos mester cuminsa pensa hopi duro como ciudadano, pero tambe tur stakeholders grandi con

nos por langzaam maar zeker zorg pa e particion di e bolo ta mas husto socialmente.


Den contexto aki extra taxatie riba Capital, AirBnB real estate, Condominio y Hotel ta siguramente na su lugar. E entrada cu esaki lo genera por forma e base financiero pa loke mi ta yama e “Aruba Freedom Dividend”, esta un suma cu lo wordo distribui na full e poblacion adulto di e isla den un manera di “Universal Basic Income”.

Awo mi ta tende via via cu Minister di Finanzas semper ta haya mi ideanan radical, pero si nos wak Alaska como ehempel unda e parti di entrada di industria di petroleo a wordo usa pa paga e ciudadanonan di e provincia Americano un dividend tur aña. Mesun cos na Aruba, por usa e taxatie extra di sector turistico pa forma un fondo den mesun manera cu

Alaska y asina duna tur adulto na Aruba un “Freedom Dividend”.

Awo AHATA lo ta contra esaki, pero nan tin cu wak e bigger picture ambos den forma directo di nan negoshi, esta mas contento e ciudadanonan na Aruba ta, mas miho e lo ta pa turismo riba plaso largo. Pero tambe principalmente den nan responsabilidad social pa cu e pais unda nan ta opera y literalmente gana biyones. Den ambos area di mehora Aruba como producto turistico atractivo, safe di criminalidad y un sociedad bunita y no sushi cu minidump tur caminda. Principalmente tambe den banda di Empresaria Socialmente Consciente, mester cuminsa wak nan mes honesto den spiel y ta prepara pa paga nan “Fair Share” na nos Isla.

Aruba y su habitantenan merece esaki.



Dia Internacional di Famia

Fortaleciendo Famia, Fortaleciendo Comunidad

Diahuebs 15 mei, Aruba ta uni cu e resto di e mundo pa celebra e Dia Internacional di Famia. E Departamento di Asunto Social (DAS) ta probecha e oportunidad aki pa pone enfasis ariba e importancia di famianan den nos sociedad y e necesidad pa sostene nan durante henter aña — no solamente riba e dia aki.

Bou di e lema di “Sostene Famianan, Sostene Comunidad,” DAS ta recorda nos

comunidad cu famia ta e base di desaroyo humano, formacion di balornan y sosten emocional. Den famia ta caminda mucha ta siña stima, respeta, ta responsabilidad y tin sentido di comunidad. Pero famianan por florece solamente si nan ta rondona di sosten y comprension di e comunidad.

Departamento di Asunto Social kier invita tur persona, negoshi y organisacion pa tuma un rol activo den sosten di famianan na Aruba. No

solamente awe, pero cada dia. Un famia fuerte ta crea un comunidad fuerte!

Pa conmemora e dia aki, DAS ta informa cu e ta trahando cu e meta pa fortifica famianan, pa medio di:

Ofrece guia pa mayornan y famianan;

Apoya lantamento di mucha na un forma positivo ;

Promove campaña nan preventivo pa sostene famianan saludabel;

Traha na un programa di Certificacion pa promove Lugar nan di Trabou dirigi mas



ariba famia “Family Friendly Workplaces”.

Departamento di Asunto Social ta sigui traha hunto cu scolnan, stakeholders y organisacionnan den bario pa garantis cu cada famia na Aruba tin acceso na e her-

mentnan necesario pa por sostene su bienestar fisico, emocional y social.

Nos invitacion ta cla: Laga nos cuida nos famianan, fortalece e lasonan familiar y crece como comunidad. E bienestar di Aruba ta depende di e estabilidad di su famianan.

Reclassering Aruba cu presentacion pa busca trahador

Na Gabinete di Aruba a tuma lugar un encuentro di Stichting Reclassering en Jeugdbescherming Aruba (SRJA). Director di SRJA Seraida Pemberton-Leonard y funcionario di reclassering Natasha Bhikhari a tene un presentacion na un grupo di studiantenan y “young professionals” Arubiano cu e meta pa interesa profesionalnan Arubiano pa regresa Aruba y bay traha na Reclassering.

Durante e presentacion se-



ñora Pemberton-Leonard y señora Bhikhari a splica kico Stichting Reclassering en Jeugdbescherming Aruba

ta representa; riba cual tur tereno SRJA ta traha y kico ta e trabao di reclassering. Durante e presentacion e grupo presente tabata tin oportunidad pa a haci pregunta. Despues di e presentacion



señora Pemberton-Leonard y señora Bhikhari a bay den combersacion cu e studiantenan y “young professionals” y asina sondea e interes y oportunidad di trabao cerca e grupo aki na Stichting Recla-

sering en Jeugdbescherming Aruba.

E potretnan ta cortesía di Aruba-huis.



De Minister belast met Infrastructuur is voornemens in het openbaar aan te besteden het project:

“Upgrading RWA & DWA High Rise Hotel Area, deel 2”.

Volgens bestek DOW nr. 02 dj. 2025.

Korte omschrijving van het werk:

Het aanleggen van nieuwe regenwaterafvoer tussen Barcelo Hotel en Holiday Inn Hotel. En het aanleggen van nieuwe riolering vanaf de weg achter McDonald tot Holiday Inn Hotel.

Uitvoeringstermijn: **100 werkbare werkdagen** na datum van opdrachtbrief, incl. bestellingstijd.

Het bestek is vanaf **16 mei 2025** verkrijgbaar bij DOW tegen betaling van **Afl. 1500,00**.

De betaling te voldoen bij de kassier van de Dienst Openbare Werken (DOW). De openbare bescheiden liggen ter inzage vanaf **15 mei 2025** te DOW bij het Secretariaat van de Directie.

Inlichtingen worden verstrekt op **28 mei 2025** om 10.00 uur v.m. te DOW. De Nota van Inlichtingen wordt vastgesteld op **4 juni 2025**. De openbare aanbesteding vindt plaats op **13 juni 2025** om 11.00 uur v.m. op het kantoor van de directeur van de Dienst Openbare Werken.

De inschrijver moet bij zijn inschrijving de volgende vereisten overleggen:

1. Bewijs van inschrijving in het register van de Kamer van Koophandel van Aruba (niet ouder dan 6 maanden).
2. Bereidheidsverklaring tot het instellen van een bankgarantie of borg.
3. De staat van eenheidsprijzen voor verrekking van meer- en minderwerken.
4. Een lijst van in te schakelen onderaannemers.
5. Overige vereisten opgenomen in het bestek.

Inschrijving dient te geschieden op het bij het bestek gevoegde en gewaarmerkte inschrijvingsformulier.

Sospechoso den incidente fatal di trafico deporta sin huicio

Un serie di eror grave di polis y sistema di husticia tabatin consecuencia negativo pa e investigacion riba e hit and run fatal di trafico dia 27 di october 2024 na Paradera, den cual Julieth Patricia Patiño a perde su bida.

Esaki a keda reporta pa portal online, Aruba.nu.

E prome eror tabata e aresto di un muhe inocente tiki despues di e incidente. Awo a bin dilanti tambe cu e sospechoso principal den e caso a keda deporta sin cu su huicio criminal a bin dilanti prome.

Inmediatamente despues di e accidente, manera Bon Dia Aruba tambe a reporta anteriormente, polis a aresta un muhe Venezolano di 30 aña di edad, basa riba imagennan

di camara di vigilancia y e modelo di vehiculo involucra den e accidente. Sinembargo, despues di interroga e persona aki y mas investigacion, a keda cla cu e no tabata involucra den e incidente, y el a keda den libertad.

Algun dia despues, e chauffeur sospechoso di a causa e accidente fatal, Jesus ‘Deditos’ Rosendo, un Venezolano di 44 aña di edad, a entrega su mes na warda di polis na Balashi, compana pa su abogado. El a admiti di ta e chauffeur

cu a dal Patiño y despues a huy di e escena.

Februari ultimo, Rosendo a presenta dilanti hues pro forma, unda hues a dicidi di no prolonga su detencion prome cu huicio.

Tiki despues, Warda Nos Costa a detene Rosendo, pa ta kedando ilegalmente na Aruba. Y sin importa e hecho cu e tabatin un caso habri na Aruba, el a keda deporta, lagando asina e proceso fiscal den problema.



AWE **MINI MEGA** **MEGA PLUS**

Awo cu 2 florin mas, bo por gana e **MEGA PLUS**

*** Afl. 420.000,-**

*** Afl. 320.000,- + Afl. 100.000,- extra**

Benta ta sera 7:30 pm y sorteo ta hunga 7:45 pm

HUNGA AWO

LOTO

f X Instagram YouTube

Modificacion di gene a yuda baby enfermo prospera

Cientificonan ta bisa cu e terapia aki por yuda miyones den futuro

(AP)—Un baby naci cu un malesa genetico incomun y peligroso ta creciendo y prosperando despues di haya un tratamento di modifica gene traha exclusivamente p'e.

Investigadornan a describi e caso den un estudio nobo, bisando cu e ta entre e prome pa ser exitosamente trata cu un terapia personalisa cu ta busca pa corigir un eror chikito pero critico den su codigo genetico cu ta mata mita di baby afecta. Aunke por dura un rato prome cu otro tratamentonan personalisa ta disponible pa otro hende, dokternan ta spera cu e tecnologia por yuda e miyones cu ta kedando atras aunke medicina genetico a avansa pa via cu nan condicion ta asina incomun.

“Esaki ta e prome stap den



direccion di usa terapianan di modificacion di gene pa trata un variedad amplio di desordennan genetico pa cual no tin tratamento definitivo ac-

tualmente,” segun Dr. Kiran Musunuru, un experto den modificacion di gene na University of Pennsylvania cu ta co-autor di e estudio publica diahuebs den e New England Journal of Medicine.

E baby, KJ Muldoon di Clifton Heights, Pennsylvania, ta un di 350 miyon hende rond mundo cu malesanan incomun, mayoria di cual ta genetico. El a ser diagnostica net despues di su nacemento cu deficiencia severo den CPS1, calcula pa algun expertonan pa afecta rond di 1 miyon baby. E baby ta haya falta di enzim necesario pa yuda kita ammonia for di curpa, pues e por acumula den sanger y bira toxico. Transplante di higra ta un opcion pa algun.

Dentro di seis luna, e equipo na e Children's Hospital of Philadelphia and Penn Medicine, hunto cu nan partnernan, a crea un terapia diseña pa corigir e gene defectuoso di KJ. Nan a usa CRISPR, e herment di modificacion di gene cu a gana e Premio Nobel na 2020. En bes di corta e rama di DNA manera e metodonan anterior di CRISPR a haci, dokternan ta emplea un tecnica cu ta flip e “letter” mutua di DNA—conoci tambe como un base—pa e tipo corigir. Conoci como

“modificacion di base,” e ta reduci e riesgo di cambianan no desea den gene.

Na februari, KJ a haya su prome infusion di IV cu e terapia di gene, suministra via druppels chikito yama nanoparticulonon lipido cu ta drenta e celnan den higra. Despues di varios dosis durante lunanan di maart y april, KJ por a cuminsa come normal y a recupera bon for di malesanan manera gripe, cual ta forsa e curpa y ta empeora sintomanan di CPS1. Tambe e baby ta tumando menos medicamento.

Considerando su mal prognosis mas trempan, “cualquier momento cu nos mira cualquier logro chikito—manera un simple zwaaimento di man of biramento di curpa—e ta un momento grandi pa nos,” su mama a bisa.

Asina mes, investigadornan ta adverti cu algun luna so a pasa. Nan mester sigui controla su progreso durante varios año. Investigadornan ta spera cu loke nan siña di KJ su caso, nan por aplik'e pa otro pashentnan cu malesanan incomun.

Terapianan di gene, cual por ta sumamente caro pa desa-

roya, ta diseña en general pa aborda desordennan comun, parcialmente pa motibonan financiero: mas pashent ta nifica un posibilidad di mas benta, cual por yuda paga e costo di desaroyo y genera mas ganashi. E prome terapia di CRISPR aproba pa e U.S. Food and Drug Administration (FDA), por ehempel, ta trata e malesa ‘sickle cel’, un desorden di sanger doloroso afectando miyones rond mundo.

Musunuru a bisa cu e trabao di su equipo—funda parcialmente pa e Institucion Nacional di Salubridad—muestra cu pa crea un tratamiento personalisa no mester ta increíblemente caro—e costo “no tabata hopi leu” cu e 800.000+ dollar pa un transplante di higra y cuido relaciona, el a bisa.

“Mientras nos ta sigui mehora e terapianan aki y corta e duracion aun mas, economianan di scala lo ‘kick in’ y mi lo anticipa cu costo lo cuminsa baha,” Musunuru a bisa.

Cientificonan tampoco lo mester keda haci e trabao inicial tur biaha cu nan crea un terapia personalisa, Bhoopalan a bisa, pues e investigacion aki “ta crea e escenario” pa trata otro tipo di condicion incomun.



Amsterdam ta cuminsa un prueba di 150 euro mensual pa 300 famia pa studia alivio di pobreza

(NLTimes) – 300 famia na Amsterdam a cuminsa ricibi 150 euro pa luna den pagonan cash incondicional diahuebs como parti di un piloto dirigi pa e ciudad por studia e efectonan di sosten financiero directo riba pobreza, stress y bienestar, segun un comunicado di prensa di e Municipio di Amsterdam.

E pagonan ta forma parti di Gewoon geld geven, un programa di investigacion di dos aña lansa den cooperacion cu Kansfonds y Amsterdam University of Applied Sciences. E prome pagonan a ser haci dia 15 di mei, e ciudad a bisa den e comunicado. Famianan selecta pa e programa ta biba den e districtonan di Noord, Nieuw-West, y Zuidoost, ta ricibi beneficionan di bienestar, y tin por lo menos un yiu bao di 18 aña bibando na cas. E casnan participante a ser scogi a traves di

un sistema di loteria.

E regalo di 150 euro pa luna ta bin sin condicion of rekisito di reportahe. Famianan por gasta e placa manera nan kier, hasta si nan entrada aumenta despues of nan status di bienestar cambia. “E programa aki ta duna famianan espacio pa hala rosea, estabilidad y dignidad,” Vise-Alkalde Marjolein Moorman (Asistencia pa Pobreza y Debe) a bisa den e comunicado di prensa. “E problema di pobreza ta simpel: hende no tin suficiente placa. Y esey ta trece stress constante. Medidanan di Den Haag no ta duna alivio pa e hendenan aki—al contrario. Ta p’esey nos ta tumando asuntonan den nos mes man. Mi ta contento cu awor nos ta cuminsa di berdad na Amsterdam.”

E pagonan incondicional, cu lo ser reduci gradualmente despues di e marca di dos



aña, ta ser financia pa Stichting RCOAK, un fundacion filantropico di Amsterdam di hopi tempo. E municipio a bisa cu e presupuesto total pa e proyecto ta 2.2 miyon euro, cu mas o menos 1.6 miyon euro ta bay directamente pa famianan. E sobra di 600.000 euro lo cubri gastonan di implementacion y investigacion y lo ser financia pa e ciudad di Amsterdam, Kansfonds, Stichting Doen, y Nieuw Geluk Philosophy.

Investigadornan na University of Applied Sciences lo monitorea e 300 famianan

participante, siguiendo nan bienestar, salud y situacion financiero. Un grupo di control separa di 300 famia similar—cu no ta ricibi e 150 euro—tambe lo ser sigui, segun e comunicado di prensa. E resultadonan lo ser monitorea y comparti ampliamente unbes cu e investigacion conclui.

Como cu municipionan no tin permiso legalmente pa duna sosten di entrada directo, e ciudad a enfatisa cu e fondonan ta ser entrega pa medio di partnernan independiente manera Kansfonds y RCOAK.

Moorman a bisa cu e ciudad ta sigui di acerca con e entrada agrega ta afecta estabilidad di cas y desaroyo di mucha. “Si algun famia bandona e asistencia di bienestar pasobra nan a haya trabao, esey ta un resultado bunita,” el a bisa den e declaracion di e ciudad.

El a agrega cu e ta spera cu e entrada minimo legal nacional lo ser hisa eventualmente: “Esey lo reduci gasto social a largo plaso.”

Di acuerdo cu e declaracion di e ciudad, Amsterdam tin e tasa di pobreza mas halto na Hulanda, cu 6.6 por ciento di residentenan bibando bao di e liña di pobreza. E cifra ey ta cuadra cu datonan nacional recien di CBS, e Bureau Central di Estadistica Hulandes, Instituto Hulanda pa Investigacion Social (SCP), y Instituto Nacional pa Informacion di Presupuesto (Nibud), cu ta calcula cu mas cu mitar miyon hende den e pais ta biba den pobreza.

E programa ta parti di un iniciativa mas grandi di Kansfonds, y pilotonan similar ta andando den e municipionan di Tilburg y Zaanstad.

Corsou partner den proyecto Europeo pa emancipacion di hende muher

(Curacau.nu) – Corsou a oficialmente forma parti di e proyecto Erasmus+ EmpowHer, un asociacion internacional enfoca riba empoderacion di hende muher y hoben profesional. Segun e iniciadornan, e proyecto ta subraya e rol strategico di Corsou como un brug entre Europa y Caribe den e areanan di

igualdad di genero, empresario y participacion di hoben.

EmpowHer ta un programa di tres aña financia pa Union Europeo cu ta reuni partnernan for di Italia (e partner principal), Spaña, Montenegro, Kosovo, Albania y Corsou.

E proyecto ta ofrece con-

struccion di capacidad, intercambio visual, iniciativanan local pa ekipa muher y trahador hubenil mihor pa retonan social. EU Desk Curaçao, cu ta comprometi na aumenta acceso na fondonan Europeo pa organisacion local, a hunga un rol clave pa atrae e proyecto pa e isla.



Fugitivo Hulandes di traficacion di droga deteni na Colombia

(NLTimes) – Un homber Hulandes cu a keda condena pa traficacion di droga na Hulanda a keda deteni na Colombia. Michael de H. a huy for di e pais poco prome cu e por a ser condena pa e crimen. E informe di AD y medianan di comunicacion Colombiano a ser confirma pa Ministerio Publico (OM).

E homber di 41 aña ainda tin cu sinta 42 luna den prison na Hulanda. El a ser condena na 3.5 aña di prison na mei 2024 pa a hunga un rol den varios acuerdo di trafico di droga entre proveedornan di Colombia y comprador Europeo entre 2021 y 2022. Polis di Colombia a informa cu e tabata envolvi den trafico di



mas cu 100 kilo di cocaina pa Hulanda.

Autoridadnan ta pretende cu De H. a ser inspira pa Pablo Escobar, e lider di e cartel di Medellin, cu a bira famoso prome cu polis a tir’e fatal-

mente na 1993. Polis Colombiano a comparti varios imagen di e sospechoso posando cu potret y estatuanan di su idolo.

De H. supuestamente a usa rednan di comunicacion en-

cripted pa evita polis y duana. Fuentenan den e autoridad internacional a bisa cu tabata un “red avansa y profesional.”

Segun e AD, e sospechoso a keda den un barrio rico den e ciudad popular turistico

di Cartagena. El a usa documentonan y identidadnan cu no a lanta sospecho. Polis Colombiano a bisa cu e sospechoso no a resisti durante e detencion.

E ekipa di FAST, un colaboracion entre polis y OM cu ta rastrea fugitivanan, tabata buscando De H. for di februari. El a ser deteni diabierna na Colombia cu ayudo di polis Colombiano y Ministerio Publico Colombiano.

De H. actualmente ta cera den un prison hopi vigila na Colombia. OM ta spera cu e extradicion di e sospechoso pa Hulanda sosode pronto. Hulanda y Colombia a yega na un acuerdo pa loke ta trata extradicion di criminalnan na 2023.

Prisionero a cende prison Point Blanche na St. Maarten na candela

(Curacao.nu) – Diaranson atardi, un candela a surgi den e prizon di Point Blanche na St. Maarten, despues cu detenidonan a cende partinan di e bloki di cel na candela. Tabatin desaroyo di huma considerable. E huma tabata bin for di e gang di cel unda varios preso tabata hospeda.



E candela a causa un intrankilidad grandi dentro di e complejo di prizon di St. Maarten. Servicio di emergencia, incluyendo cuerpo di bombero, polis, Marechaussee y e cuerpo di boluntario VKS, a ser yama masal. E Alpha Team special tambe a keda desplega y varios vehiculo a core bay prizon. E caminda di acceso pa e complejo, Mountain Dove Road, a keda cera temporalmente.

Alrededor di 6or di atardi e situacion tabata bou di control. Segun Minister di Husticia Nathalie Tackling, tur prisionero ta safe y conta. Tres detenido a ser trata na e sitio pa lesion leve, su vocero a confirma. No tabatin herido bou di e personal of trahadornan di emergencia.

Tackling a pidi sosten militar pa mantene ordo den e prizon. Un destacamento di

Cuerpo di Marina Hulandes ta staciona actualmente na St. Maarten. “Seguridad di publico, personal di prizon y prisionero ta primordial. Nos no ta tolera ilegalidad y ta tuma tur medida necesario pa mantene ordo,” e minister a bisa.

E causa di e intrankilidad no a ser confirma ainda. Sinembargo, tin keho pa añanan caba tocante mal condicion den e prizon, manera sobrepoblacion, falta di mantencion y un scarsedad di cel. Regularmente e situacion aki ta nifica cu condenadonan no por sinta nan castigo of ta sali den libertad trempañ.

Un prizon nobo ta den construccion, pero ta anticipa cu e lo keda cla te cu 2028. E proyecto lo costa 52 miyon dollar. Di esaki, 30 miyon euro lo bin di gobierno Hulandes; e resto lo ser financia door di gobierno di St. Maarten.

Mas municipio Hulandes ta limita cuanto trahador migrante ta biba den nan teritorio

(NLTimes) – Por lo menos 13 municipio Hulandes ta limita cuanto trahador migrante por biba den nan teritorio, EenVandaag a informa. Mientras cu esey ta solamente un proporcion chikito di e total di 352 municipio Hulandes, e cantidad a aumenta significativamente. Na 2020, NOS a informa cu solamente tres municipio tabata pone limite riba trahadornan migrante.

EenVandaag a encuesta 157 municipio. 13 a bisa cu nan a pone un maximo pa e cantidad di trahador migrante cu por biba eyan. 11 otro a bisa cu nan tabata considerando un limite asina. E municipi-

onan aki mayoria biaha ta cita preocupacionnan tocante calidad di bida, cohesion social, y e scarsedad di vivienda como motibonan pa limita e cantidad di trahador migrante.

Monique Kremer, presidente di e consejo riba Migracion, ta compronde e impulso di e municipionan aki pa pone limite. Pero si nan kier tin menos trahador migrante, loke nan mester haci ta limita e cantidad di compania cu ta usa nan, el a bisa. “E nucleo ta cu hopi municipio ta atrae companianan cu mester di hopi trahador migrante. Naturalmente, e hendenan aki e ora ey mester biba un caminda.”

E consejo anteriormente a



conseha gobierno pa pone un limite nacional na e cantidad di trahador di migrante cu ta ser admiti tur aña. Di acuerdo cu e consejo, trahadornan migrante mester contribui na sociedad den su totalidad, no solamente ganashi di compania.

Scarsedad grandi di famianan di criansa na Corsou

(Curacao.nu) – Segun hues di corte hubenil Marijntje Hubben, tin un calculacion di 150 pa 175 mucha na Corsou cu a ser saca for di cas bou di supervision di hues. Solamente mas o menos 30 famia di criansa ta disponibel. Como resultado, mayoria di mucha ta ser tuma den internaat, mientras cu un famia di criansa ta preferibel pa motibo di e ambiente di cas.

E scarsedad aki tabata central siman pasa durante un reunion di informacion y reclutamento di Famianan di Criansa Central Corsou. E reunion tabatin como meta pa recluta mayornan di criansa nobo y pa pone atencion riba e importancia di un bon cuido di criansa.

No tin ni sikiera un internaat disponibel riba e isla pa muchanan chikito di 0 pa 3 aña. Tambe tin un falta di famianan di criansa di crisis: famianan cu por tuma un yiu mesora despues di un sacamento di cas pa emergencia di e hues di corte hubenil. E tipo di ubicacionnan aki normalmente ta dura dos siman, te ora cu haya un luga permanente. E forma di cuido aki actualmente ta practicamente inexistente.

Ademas, tin un necesidad urgente pa cuido di criansa den weekend pa muchanan cu ta biba den un internaat. Hopi di nan tambe ta keda eyan durante fin di siman, pasobra nan situacion di cas no ta suficientemente stabiel. Un estadia temporal cerca un famia lo a provee nan cu e estructura di cas hopi necesario.

LUNA

DI LOCURA

CUMpra 2 ^{LOTTO 5} Y HAY 1

LOTTO 5 LOCO GRATIS

CON PA HUNGA?

CU CADA COMPRA DI 2 LOTTO 5 RIBA E MESUN TICKET TA RICIBI 1 LOTTO 5 LOCO COMPLETAMENTE GRATIS. MAS BO CUMpra, MAS TICKET LOCO GRATIS BO LO RICIBI!

PROMOCION TA VALIDO DESDE 2 TE CU 31 DI MEI

Pa mas informacion bishita lottoaruba.com of yama Lotto na 525-7555 of bishita nos oficina situa na Paardenbaaistraat #10, Oranjestad.

www.lottoaruba.com

Argentina ta ordena accion contra inmigracion den decreto nobo pa ‘haci Argentina great atrobe’

(AP) — Presidente derechista Argentino, Javier Milei, a emiti un decreto ayera limitando inmigracion na e nacion Sur Americano, un movida coincidiendo cu restriccion di inmigracion poni na lugar pa administracion Mericano di Trump.

E medidanan abrupto di Milei y su declaracion cu esnan recien yega tabata trece “caos y abuso” na Argentina a ricibi critica di su oponentenan politico y a genera comparacion na presidente Mericano, Donald Trump.



Gobierno di Milei a acepta e comparacionnan aki na su aliado cercano, cu vocero presidencial Manuel Adoni bisando cu ta “ora pa honra

nos historia y haci Argentina great atrobe.” E orden ehecutivo dianson ta reforsa restriccion riba ciudadania, rekeriendo inmi-

grantenan pa pasa dos aña sin interrupcion na Argentina, of haci un inversion financiero significativo den e pais, pa ricibi un paspoort Argentino.

Inmigrantenan cu ta busca residencia permanente mester muestra prueba di ingreso of “suficiente recurso” y tin un record criminal limpi na nan paisnan natal.

E decreto ta hacie hopi mas facil pa gobierno deporta migrantenan cu drenta e pais ilegalmente, falsifica nan documentonan di inmigracion, of comete crimen menor na

Argentina. Anteriormente, autoridadnan por expulsa of nenga entrada na un stranhero solamente cu un condena di mas di tres aña.

E decreto tambe ta pidi e hudiciario pa fast-track procedurnan di corte di inmigracion cu de lo contrario ta hopi largo.

“Pa algun tempo caba, nos tabatin regulacion cu ta invita caos y abuso di hopi oportunista cu ta leu di bin na e pais aki di un manera honesto,” Adorni a bisa reporteronan.

Colombia: Legisladornan ta rechasa referendum di reforma laboral di presidente

(AP) — Legisladornan na Colombia diaranson un biaha mas a blokea esfuersonan di presidente Gustavo Petro pa reforma e leynan laboral di e pais, e biaha aki rechasando un referendum cu lo a puntra votadornan si mester limita jornada laboral na ocho ora, y si trahadornan mester ricibi pago dobel si nan traha riba dianan festivo.

Petro a pidi Congreso anteriormente e luna aki pa aproba e referendum di 12 pregunta pa duna votadornan un chens pa dicidi riba e cambionan

cu legisladornan mes ya a rechasa dos biaha. El a adverti legisladornan pa no blokea e referendum, bisando dilanti miles di persona reuni na un manifestacion di Dia di Labor, 1 di mei, cu si nan no aprob’e, Colombianonan lo castiga nan den eleccion legislativo na 2026.

Despues di un debate intenso diaranson, 49 senador a vota contra e medida, y 47 a vota na favor.

Petro, e prome presidente isquierdista di Colombia, a caracteriza e voto como



fraudulento. Ropitidamente el a acusa legisladornan di blokea su iniciativanan social

y ignora e exigencianan di pueblo Colombiano. Si legisladornan lo a aproba e

referendum, votadornan lo a contesta preguntanan manera si e jornada laboral mester caba 6pm, y si mester ofrece contractnan fiho na trahadornan pa duna prioridad na estabilidad laboral.

Den un maniobra poco usa, un grupo di congresista ayera exitosamente a apela e retiro na maart di e reforma laboral proponi pa Petro. E movida ta permiti legisladornan debati un biaha mas su propuesta, y potencialmente duna aprobacion. Legisladornan tin un fecha dia 20 di juni pa haci esaki.

Gruponan di derecho di aborto ta denuncia censura den appnan propiedad di Meta na Latino America



(AP) — Diripiente, muhenan tumando contacto cu un di e fuentenan mas grandi di informacion tocante aborto na Mexico mediante e app di mensahe WhatsApp a ricibi silencio. Cuenta di e organizacion no-gubernamental (NGO) tabata

blokea. Simannan prome, un blackout digital similar a afecta un colectivo na Colombia.

Den continente Americano, organizacionnan cu ta guia muhenan buscando aborto den varios pais ta batiendo alarma, criticando loke nan

ta mira como un ola nobo di censura riba plataformanan propiedad di gigante tecnologico Meta – hasta den paisnan unda aborto no ta criminalisa. E organizacionnan ta kere cu esaki ta pa motibo di un combinacion di cambio den politicanan di Meta y atakenan di gruponan anti-aborto cu ta denuncia nan contenido.

Mientras cu esaki tambe ta sucede riba Instagram y Facebook, e blokeo di cuentanan comercial verifica di negoshinan riba WhatsApp, cu nan ta usa pa comunica cu hende buscando ayudo, tabata particularmente disruptivo. E cuentanan aki ta crucial pa comunica cu hende buscando ayudo, y nan blokeo a complica significativamente e interaccionnan diario entre

muhenan y proveedornan di sosten.

Meta usualmente ta atribui su blokeo di contenido na violacionnan di politica, maske a reconoce erornan ocasional. Desde januari, Meta a cambia e manera cu ta modera contenido, awo dependiendo riba notanan genera pa usuario “pa permiti mas libertad di expresion y reduci error di aplicacion.” Presidente Mericano, Donald Trump a bisa cu e cambionan “probablemente” a ser haci den respuesta na su menasanan riba loke conservadornan ta considera un prehuicio liberal den fact-checking.

Un rapport di 2024 di Centro pa Husticia Intimo, basa na California, basa riba un encuesta di 159 non-profit rond mundo, a haya cu mayoria di

plataforma tecnologico tabata eliminando aviso y contenido relaciona cu aborto y otro asunto di salud sexual of reproductivo di muhe, manera menopauze.

Contestando tocante e rapport, Meta a nota cu e tabata basa riba un cantidad chikito di chempel.



Cuba: Díaz-Canel ta reconoce aumento di uso di droga na La Habana

(CiberCuba) – Presidente Cubano, Miguel Díaz-Canel, a reconoce e preocupacion social creciente riba e subida di uso y circulacion di droga na La Habana, especialmente den e municipio di Guanabacoa, unda el a haci un bishita oficial, aunke e ta un problema cu ta afecta henter e pais.

Durante su bishita, Díaz-Canel a atende brevemente e tema, sin ofrece cifranan of medidanan concreto, y un bi-aha mas a enfoca riba e famia y e comunidad como e principal culpablenan di e problema, manera a señala den un informe oficial.

“Nos mester zorg pa tur hende cu ta desconecta di scol y trabou, y ta capaz pa haci esaki, ta involvi. Nos mester combati droga vigorosamente. Nos sa cu tin preocupacionnan, y cu e lucha ey mester cuminsa den e seno familiar,” e mandatario a declara. El a agrega cu e confrontacion mester ser realiza “cu e bon funcionamiento di e institucionnan” y “ora nos tur traha hunto, nos ta bay dilanti”, enfatisando un declaracion cu el a ripiti na otro ocasionnan tocante fenomenonan social cu ta afecta e hubentud Cubano, cu, especificamente, no ta solucion absolutamente nada. E declaracion ta bini memey di intrankilidad publico cre-

ciente tocante e plamamento di uso di droga den henter e pais, un fenomeno documenta riba medionan social pa activista, residente y medionan di comunicacion independiente. Autoridadnan ta insisti riba un contesta basa riba comunidad y ta evita di atende e problema for di un perspectiva structural of institucional.

E regimen Cubano a reconoce oficialmente e presencia y circulacion na Cuba di un version mucho mas letal di e “kimico,” un droga sintetico distribui den papelnan di spuit cu su composicion, segun expertonan di Ministerio di Interior (Minint), ta inclui substancianan sumamente peligroso manera fentanil, formaldehítico, anestesia pa bestia, benzepin y fenobarbital. E reconocimiento oficial aki ta representa un cambio den



e discurso cu te awor tabata minimalisa e seriedad di e fenomeno, segun un informe di Cubadebate oficial.

Leu di ta un problema isola of controla, manera a keda presenta na otro ocasionnan, autoridadnan ta admiti cu nan a detecta hospitalisacion pa motibo di sobredosis, un aumento den procedemento

penal vincula na traficacion di droga, y un patronchi creciente di consumo bou di hobennan Cubano.

Ademas, e rapport oficial a bisa cu 90% di esnan cu a purba e variante nobo aki di e kimico na Cuba ta bira adicto for di e prome dosis, reconociendo su plamamento rapido y tasa halto di mortalidad.

Haitianonan repatria for di Republica Dominicana no por reuni cu nan famia debi na gangnan arma



(DiarioLibre) – Grupo di Apoyo na Repatriadonan y Refugiadonan (GARR) na Haiti a informa cu algun ciudad di frontera ta experimentando sobrepoblacion debi na e presencia di un cantidad grandi di Haitianonan repatria, cu ta hayando dificultad pa regresa nan hogar debi na e distancia entre e frontera y nan areanan di origen y e control di gangnan arma cu ta staciona na canto di e diferente ruta.

“Algun migrante, na yegada, ta ser forsa pa keda na frontera pa varios dia. Algun area ta dificil pa por haya acceso debi na e presencia permanente di gruponan arma, pues e migrantenan aki no por reuni cu nan sernan keri,” el a bisa.

Segun e instancia a declara 23.123 Haitiano a ser repatria for di Republica Dominicana den luna di april y cu “oficialnan di inmigracion Dominicano a realiza e repatriacionnan aki na varios crusada di frontera sin considera e

origen di e migrantenan.”

Di acuerdo cu GARR, 12.260 hende a ser repatria pa Belladère, situa den e centro di e frontera cerca di Elías Piña, 7.098 a ser manda pa Juana Méndez den e area noord cerca di Dajabón, 2.078 hende a ser repatria pa Anse-à-Pitres den e parti zuid cu Pedernales y 1.687 a ser manda pa Malpasse na e area zuid cerca di Jiminan.

Segun un informe publica den Le Nouvelliste, representantenan di GARR ta bisa cu nan ta abruma pa e sucesonan, mirando e cantidad di Haitianonan cu ta ser repatria.

Su centro di recepcion na Belladère ta casi yen pa ricibi Haitianonan repatria.

“Despues di tabata victima di tur tipo di atrocidad na man di autoridadnan Dominicano, e migrantenan aki a yega frontera man bashi, mayoria di nan sin destinacion,” GARR a declara.

WORKSHOP KLIK Y SIÑA PA ADULTO MAYOR

E mundo digital ta pa tur edad!
#EnergiaPaSiña

FREE WORKSHOP!

Un workshop di 5 siman, tur diasabra



Diasabra, 24 di mei
10:00 AM - 12:00 PM
2:00 PM - 4:00 PM



Y.M.C.A. San Nicolas,
Pastoor Hendrikstraat 55



Jacqueline Woodley
Workshop Coach



PASA NA Y.M.C.A PA YENA BO FORMULARIO DI
REGISTRACION DIA 16, 21 Y 22 DI MEI ENTRE 3:30 – 5:30 PM,
OF DIA 17 DI MEI ENTRE 9:00 – 11:00 AM.

BAN PARIBA
weekend sale
At AMC sanicolas
MAY 16TH & 17TH

Up to
50% OFF
selected items

she's more than just a financial planner, **SHE'S LOVES REST & RELAXATION.**

LG UHD TV
NOW AWG.600



LG
60" 4K UHD
LED SMART TV
60UP8000

WAS
AWG.1399.99

NOW AWG.500



SAMSUNG
50" CRYSTAL
PROCESSOR UHD
4K SMART TV
UN50AU7090PXP

WAS
AWG.999.99

NOW AWG.550



SAMSUNG
55" CRYSTAL
PROCESSOR
UHD 4K SMART TV
UN55AU7090PXP

WAS
AWG.999.99

NOW AWG.895



SAMSUNG
10.1 CU. FT.
REVERSIBLE
DOOR FRIDGE
P286TM

WAS
AWG.1399.99

NOW AWG.700



LG
HIGH RES AUDIO
SOUND BAR
W/MERIDIAN
TECHNOLOGY &
DOLBY ATMOS
SLBYG

WAS
AWG.1299.99

NOW
AWG.300



COUNTERTOP
6 BOTTLES
WINE COOLER
WCT6C4S

WAS
AWG.549.99

NOW AWG.1125



BREEZE
5PC ALUMINIUM
OUTDOOR DINING SET
FP0305

WAS
AWG.2249.99

NOW AWG.1235



RIO
OUTDOOR SECTIONAL
WITH GLASS TOP
S0260-RIO

WAS
AWG.2469

   569-2407
AMC EAGLE MEGASTORE

568-9070
AMC SAN NICOLAAS

HORARIO: 9am - 6pm DIALUNA PA DIASABRA



Marcando un cambio pa e festival

Cannes ta prohibi entrada di actor acusa di agresion sexual

(AP) - Cannes Film Festival a prohibi actor Frances Theo Navarro-Mussy di atende e premiere di e participante pa e competencia "Case 137", den loke ta kere ta marca un prome pa e festival den e era #MeToo.

Director di e festival Thierry Fremaux a confirma na e revista Frances Telerama cu no lo permiti Navarro-Mussy presencia e premiere di "Case 137" ("Dissier 137" na Francia) cu a tuma luga ayera anochi na Cannes. E tin un rol di sosten den e pelicula.

Telerama a reporta cu 3 ex pareha a acusa Navarro-Mussy di violacion den 2018, 2019 y 2020. E caso a keda anula luna pasa a causa di un falta di evidencia, pero Telerama a reporta cu e 3 muhenan tin plan di apela esaki.

"Tin un apelacion y pa e motibo aki e investigacion te ainda ta activo, e caso no ta suspendi," Fremaux a conta



e revista Frances. "Ora cu un decision legal bira final, e situacion ta cambia."

Representantenan di NAvarro-Mussy no a responde inmediatamente na e peticion pa comentario. Representantenan di Cannes Film Festival a referi e peticionnan na Fremaux su comentarionan haci na Telerama.

Navarro-Mussy su abogado,

Marion Pouzet-Gagliardi a conta Telerama: "Mi no a ricibi ningun informacion cu ta indica cu cualkier proceso ta andando. E keho proponi aki cu e partido civil a haci, te na mi conocimiento, no a keda entrega legalmente."

E decision aki ta marca un cambio pa Cannes Film Festival, cual hopi biaha a ricibi critica pa ricibi hombernan acusa di mal conducta sexu-

al. Sinembargo algun ta bisa cu e festival ta evolucionando mientras e movimiento #MeToo a cuminsa amplia y crece den e industria di pelicula Frances.

E aña aki su Cannes a habri oranan despues cu a declara e actor Frances Gerard Depardieu culpable di agresion sexual y a duna un sentencia di prison suspendi di 18 luna. Ora a puntra tocante e

veredicto di Depardieu, Juliette Binoche, presidente di hurado di Cannes, a bisa cu e "festival ta siguiendo e moda aki den bida social y politico."

"E festival ta di acuerdo na loke ta sucediendo awe," Binoche a bisa. "#MeToo a tuma su tempo pa haya forsa aki. Nos a reacciona di manera fuerte recientemente."

Diahuens, e compania cu a produci "Case 137", Haut et Court a bisa siman pasa cu el a ricibi un advertencia tocante e situacion.

"Aunke e acusacionnan ta en gran parte prome cu e produccion di e pelicula, nos a acepta e maneho di e festival su decision cu e persona en cuestion no lo compaña e pelicula na Cannes, cu respet pa e victimanan y nan derecho di scucha nan, mientras cu tambe nos ta respecta e posibilidad di inocencia," e compania a bisa den su declaracion.

Aligator cu a actua den ‘Happy Gilmore’ a muri di biehes na Colorado

(AP) — Un aligator cu a aparece den numerozo programa di television y pelicula durante tres decada, mas notablemente e comedia di Adam Sandler di 1996 “Happy Gilmore,” a muri na un cunucu di gator den sur di Colorado.

A base di su tasa di crecemento y perdida di djente, Morris e aligator tabatin por lo menos 80 aña di edad ora el a muri, Colorado Gator Farm a bisa den un post di Facebook diadomingo. E tabata casi 3.3 meter largo y tabata pisa 290 kilogram.

“El a cuminsa actua straño mas o menos un siman pasa. E no tabata bula riba nos y no tabata tuma cuminda,” Jay Young, e doño y operador di e cunucu, a bisa den un video



mientras e tabata caricia cabes di Morris cu lagrima den un cura di bestia.

“Mi sa cu ta straño pa hende cu nos ta keda asina pega na un aligator, na tur nos besti-anan. ... El a pasa un tempo feliz aki, y el a muri di biehes,” el a bisa.

Morris, kende a ser haya den e cura patras di un cas na Los

Angeles como un bestia di cas ilegal, a cuminsa su carera na Hollywood na 1975 y a baha cu pensioen na 2006, ora el a ser manda pa e Colorado Gator Farm den e ciudad chikito di Mosca. El a aparece den varios pelicula, incluyendo “Interview with the Vampire,” “Dr. Dolittle 2” y “Blues Brothers 2000.” Tambe el a aparece den “Coach,” “Night Court” y “The Tonight Show with Jay Leno” cu e defunto experto di fauna Steve Irwin.



Pero su rol mas famoso tabata den “Happy Gilmore,” un pelicula tocante un hungador di hockey fracasa y mal temperamento cu ta descubri un talento pa golf. E personahe titular interpreta pa Sandler ta confronta Morris despues di a dal un bala di golf cu ta caba den boca di e gator.

Sandler a post un homenahe na Morris riba Instagram di-aranson.

“Nos tur lo sinti bo falta. Bo por ta duro cu directornan, artistanan di makiyahe, clien-tenan — realmente cualkier hende cu brasa of pia — pero mi sa cu bo a hacie pa e bi-enestar final di e pelicula,” Sandler a skirbi. “E dia cu bo no a sali for di bo trailer te ora cu nos a manda 40 cabes di lechuga a siña mi un les poderoso: nunca compro-mete bo arte.”

E Colorado Gator Farm, cu a habri pa publico na 1990, a bisa cu e tin planea pa conserva e curpa di Morris.

“Nos a dicidi di haci Morris un taxidermia pa e por sigui spanta muchanan pa añanan binidero. Ta loke e lo tabata kier,” e cunucu a publica riba Facebook dialuna.

Mexico: Influencer tira mata durante su transmision riba TikTok na un salon di beyesa



(AP) — Un influencer di rednan social a ser tira mata mientras e tabata haci un transmision en bibo riba TikTok na un salon di beyesa den estado Mexicano di Jalisco, segun autoridadnan a confirma ayera.

E muestra di violencia a crea shock den e nacion Latino Americano na un momento unda cartelnan rival ta bin batayando sangrientamente pa control teritorial den mayoria parti Mexico.

Valeria Márquez, 23, ta parce di tabata papia cu un persona di delivery, cu no a aparece den e video, na momento cu a tir’e un biaha na su pecho y un biaha na su cabes, y el a collapse, muriendo inmediatamente. E modelo y influencer tabata den un salon di beyesa den e municipalidat

di Zapopan, na Guadalajara, na momento di e suceso.

Apenas algun ora despues, un ex-congresista di partido PRI, Luis Armando Cordova Diaz, tambe a ser tira mata den un café den e area.

Fiscalnan na Jalisco tabata investigando ayera, pero e Cartel Jalisco Nueva Generacion ta mantene un control firme riba e region. Autoridadnan estatal a bisa cu nan ta investigando morto di Marquez como un posible femicidio, un caso extremo di violencia basa riba genero, comun na Latino America, unda ta ataca un muhe pa motibo di su genero.

Cuantanan di rednan social di Marquez a keda inunda cu comentarionan lamentando su morto y expresando shock.

MAS ORA DEDICA NA SIRBI BO MIHO

Nos ta hopi contento di por ofrece nos clientela mas acceso na asistencia bancario.

Desde dialuna 5 di mei, 2025 nos servicionan di yamada lo tin orarionan extendi pa asina sirbi bo miho.

Den siman
Di dialuna pa diabierna di
8:00 AM te 8:00 PM

Den weekend
Riba diasabra di
9:00 AM te 1:00 PM

Yama nos: 522-3000

Ban Combersa.

Landador di resistencia ta purba landa pa prome biaha rond di Martha's Vineyard

Prome cu e aniversario di 'Jaws'

(AP) — Lewis Pugh a sigui un regla no papia durante su carera como un di e landadornan di resistencia mas tripi di mundo: No papia di tribon. Pero e tin planea pa kibra esey e siman aki durante un landamento rond di Martha's Vineyard, caminda "Jaws" a ser filma 50 aña pasa.

E Britanico-Suraficano tabata e prome persona pa completa un landamento di distancia largo den tur ocean di mundo — y a tuma condicionnan extremo tur caminda for di Sero Everest te na Arctico.

"Durante e landamento aki, e ta hopi diferente: Nos ta papiando di tribon tur ora," Pugh a broma, kende lo,

manera custumber, no bisti trahe di awa pa e landamento di 100 kilometer.

Pa su landamento rond di Martha's Vineyard den awa di 47 grado (8 grado Celsius) e lo bisti djis zwembroek, un pechi y bril.

Pugh, di 55 aña, ta tumando e reto pasobra e kier cambia e percepcion publico rond di e bestianan cu awor ta na riesgo — cu el a bisa a ser maltrata pa e pelicula exitoso como "villanonan, como asesinonan di sanger friu." E lo boga pa mas proteccion pa tribon.

Diahuebs, cuminsando na e Faro di Haf di Edgartown, e lo landa pa tres of cuater ora den e olanan brutalmente friu, marca su progreso y

pasa e resto di su oranan di vigilia riba e Vineyard educando e publico tocante tribon. Despues, e lo drenta awa y hacie atrobe y atrobe, pa un calculacion di 12 dia, of cuanto tempo cu e tuma pa completa e landamento.

"E ta bay test mi no solamente fisicamente, pero tambe mentalmente," el a bisa, mientras e tabata wak e condicionnan di biento banda di e liña di salida. "Mi kiermen cu tur dia mi ta bay papia tocante tribon, tribon, tribon, tribon. Despues, na final, mi mester drenta awa y despues landa. Mi ta supone cu bo por imagina kico mi lo ta pensando."

Pugh a bisa cu e landamento lo ta entre esnan mas dificil



cu el a haci, loke ta bisa hopi pa un hende cu a landa cerca di glaciario y volcan, y entre hipopotamo, crocodil y beer polar. Niun hende no a yega di landa rond di e isla di Martha's Vineyard ainda.

Pero Pugh, kende hopi biaha ta landa pa conscientisa pa causa ambiental — y a ser nombra e Patron di Oceanan di Nacion Uni pa varios aña — a bisa cu ningun landamento ta sin riesgo y cu medidanan drastico ta necesario pa hiba su mensahe: Alrededor di 274.000 tribon ta ser mata globalmente tur dia — un tasa di 100 miyon tur aña, segun e Asociacion Mericano di Ciencia.

"E tabata un pelicula tocante tribon cu ta ataca hende y pa 50 aña, nos a bin ta ataca tribon," el a bisa di "Jaws." "E ta completamente insostenibel. E ta locura. Nos mester respeta nan."

E ta enfatisa cu e landamento no ta algo cu no-profesionalnan mester purba. E ta compana pa personal di seguridad den un boto y kayak y ta usa un aparato "Shark Shield" cu ta stroba tribon usando un campo electrico sin haci nan daño.

Pugh ta corda con e tabata sinti miedo ora e tabatin 16 aña ta wak "Jaws" pa prome biaha. Durante decanan di estudio y investigacion, temor y respeta reemplaza su miedo, ora el a realisa e rol cu nan ta hunga den mantencion di e ecosistemanan di Tera cu ta birando mas y mas fragil.

"Mi ta mas spanta di un mundo sin tribon, of sin predador," el a bisa.

E efecto di 'Jaws' riba tri-

bon

"Jaws" ta ser atribui pa crea e cultura di blockbuster di Hollywood ora el a keda lansa den berano di 1975, birando e pelicula cu mas entrada y ganando tres Oscar. E lo impacta con hende a mira e ocean pa decanan binidero.

Tanto director Steven Spielberg como autor Peter Benchley a expresa lamento riba e impacto di e pelicula ariba e percepcion di e televidentenan di tribon. Tur dos a contribui for di e tempo ey na esfuersonan di conservacion pa bestia, cu a mira poblacion agota debi na factornan manera sobrepisca y cambio di clima.

Discovery Channel y e National Geographic Channel tur aña ta lansa programa tocante tribon pa educa publico tocante di nan.

Greg Skomal, biologo di pisca marino na Martha's Vineyard Fisheries den e Division di Pesca Marino di Massachusetts, a bisa cu hopi hende ta bis'e cu ainda nan no ta landa den lama pa motibo di e terror puro causa pa e pelicula.

"Mi tin e tendensia di tende e expresion cu, 'Mi no a bay den awa desde cu 'Jaws' a sali,'" el a bisa.

Pero Skomal, kende a publica un buki cu ta desafia e inexactitudnan di e pelicula, a bisa cu "Jaws" tambe a inspira hopi hende — incluyendo e — pa studia biologia marino, loke a conduci na aumento di investigacion, aceptacion y respet pa e criaturanan.

Si "Jaws" a ser traha awe, e no ta kere cu e lo tabatin e mesun efecto. Pero den añanan 1970, "e tabata djis perfecto pa loke ta trata genera e nivel di miedo aki pa un publico cu pa gran parti no tabata educa tocante tribon, pasobra nos no tabata educa. Cientificonan no tabata sa mucho tocante tribon."

Skomal a bisa cu e menasa mas grandi cu ta contribui na e bahada di e poblacion di tribon awor ta piscamento comercial, cu a explota na fin di añanan 1970 y awe ta ser impulsa pa demanda halto pa fin y carni usa den platonan di cuminda, y tambe e uso di cuero pa traha cuero y azeta.

Battle of the Banks ta sigui cu exitoso eventonan deportivo entre banconan na Aruba



Battle of the Banks 2025, e competencia deportivo entre banconan na Aruba, ta sigui cu exito, union y energia positivo.

E evento ta organisa pa Aruba Bank, cu meta pa fortalece laso entre empleadonan di sector bancario den un manera saludable y dibertido en conexion cu nan celebracion di 100 aña.

E prome evento a tuma lugar

durante e prome fin di siman di mei na Eagle Bowling Palace, unda Caribbean Mercantile Bank (CMB) a sali como e gran ganador, mientras Aruba Bank a bai cu segundo lugar.

Den fin di siman pasa, riba dia 9 y 10 di mei, e segundo evento a tuma lugar na Centro Deportivo Betico Croes, cu competencia di Volleyball.

Den un competencia yena di

adrenalina y dushi ambiente, Centrale Bank van Aruba a sali vencedor, mientras Aruba Bank a tuma un vez mas e titulo di segundo lugar.

E proximo evento ta plania pa e weekend aki, dia 16 y 17 di mei, na Papaya Ranch, unda e banconan lo midi nan habilidadnan den deporte tradicional di Bolas.

Battle of the Banks ta un iniciativa cu ta promove union, salud y deporte den sector financiero, y Aruba Bank ta orguyoso di mira participacion di tur banco local.



Taxi aereo lo hiba fanaticonan y VIP na sedenan di Olimpiada na Los Angeles den 2028

(AP) - Fanaticonan y VIP por tuma vuelo pa yega sedenan na Olimpiada di 2028 cu lo tuma luga na Los Angeles cu e prome taxi aereo cu lo usa na e weganan.

Archer Aviation su taxi aereo electrico conoci como Midnight lo ferry te hasta 4 pasa-

hero for di un punto di salida te un punto di aterisahe cerca di un sede grandi alrededor di 10 pa 20 minuut dentro di e compania su red di Los angeles.

E red plania aki ta inclui e asina yama 'vertiport' na SoFi Stadium na Inglewood y Los Angeles Memorial Colise-



um, cual lo comparti e ceremonia di apertrua y clausura. Otro sitionan ta Los Angeles International Airport, Hollywood, Santa Monica y Orange County.

"Nos kier transforma e manera cu hende ta move na Los Angeles y tin un legado cu ta duna forma na e futuro

di transportacion na Merca," Adam Goldstein, CEO y fundador di Archer Aviation, a bisa den un declaracion diahuebs. "No tin un miho momento pa haci esey cu e Olimpiada LA28.

"Archer ta bisa cu e taxinan aereo ta produci menos zonido y emision cu un he-

licopter tradicional. E aeronave eVTOL ta crea cu sistemanan avansa, incluyendo 12 motor total y propeller, cual ta permiti Archer aplica pa certificacion cu FAA cu nivelnan similar di seguridad cu e aerolineanan comercial. E taxinan aereo ta traha na e compania su fabricanan na San Jose, California y Convington, Georgia.

Como un proveedor oficial pa Olimpiada di 2028, Paralympics y Team USA, Archer tambe lo usa su taxinan aereo pa provee sosten ap servicionan di emergencia y seguridad. "Nos vision ta fundamentalmente di reimagina e experiencia Olimpico y Paralympico," Casey Wasserman a bisa. "E partnership aki ta representa un oportunidad increible di trece algo nunca antes mira."

A detene 2 persona despues di acusacion di extorcion di Song Heung-Min



(AP) - Polis di Corea di Sur a bisa diahuebs cu nan ta buscando e detencion formal di dos persona cu a detene bao sospecha di intento di blackmail contra e capitan di Tottenham Son Heung-Min.

Segun Korea su Yonhap News Agency, e strea di Premier League Ingles di 32 aña, a entrega un keho cu polis di Seoul despues cu supuestamente un muhe den su 20 añanan a acerca su persona bisando cu e ta embarasa y a exigí placa pa keda keto.

Un homber den su 40 añan tambe a keda deteni diaranson.

"Polis actualmente ta investigando, pues nos lo laga sa asina cu e resultado ta disponible," e hungado su agencia, Son & Football Limited, a bisa. "Nos kier bisa si cu Son Heung-Min ta claramente victima di e incidente aki."

Son a uni Tottenham den 2015 for di Bayer Leverkusen y a anota 173 gol den 451 wega pa e club di Londres.

Sinembargo, sin un trofeo grandi den su carera, e capitan di e ekipo nacional di Corea di Sur ta preparando pa lidera Tottenham den e final di Europa League contra Manchester United proximo diaranson.



VACATURE MELDING

Instituto Medico San Nicolas (ImSan) heeft als doelstelling het aanbieden en bevorderen van optimale medische zorg van klinische, poliklinische en ambulante aard en de toegankelijkheid daarvan voor alle burgers.

ImSan op zoek naar een enthousiaste Verpleegkundige op fulltime basis voor haar afdeling Spoedeisende Hulp.

Verpleegkundige M/V

Doel van de functie:

Het coördineren en zelfstandig realiseren van patiëntgerichte verpleegkundige zorg aan patiënten in de verschillende disciplines die zich op basis van een ongeval, een letsel, klacht en/of symptoom presenteren.

Functie eisen:

- Opleiding tot verpleegkundige op MBO/HBO niveau (diploma);
- Bij voorkeur 1 jaar werkervaring op een van de klinische afdelingen van een ziekenhuis;
- Bij voorkeur in het bezit van een geldig BLS/ACLS/PALS certificaat, dan wel bereid deze cursussen te volgen;
- Je kunt goed met mensen omgaan, hebt aandacht voor de patiënt en zijn omgeving;
- Een sterk verantwoordelijkheidsgevoel;
- Je bent geïnteresseerd in zowel de zorg voor de chronische patiënt als het adequaat handelen in acute situaties;
- Je verpleegkundig technisch handelen is goed ontwikkeld (aantoonbaar);
- Je kunt zelfstandig werken, je bent proactief, je hebt overzicht over je werkzaamheden en je kunt omgaan met wisselende werkdruk;
- Je bent flexibel in je werktijden;
- Goede uitdrukkingsvaardigheid in het Nederlands, Engels, Spaans en Papiamentu.

Gaarne uw verzoekschrift + C.V. voor 22 mei 2025 te richten aan mevrouw E. Campbell-Duijm, Pastoor Hendrikstraat 10, San Nicolas, Aruba. E-mail: hr@imsan.aw onder vermelding van "vacature Verpleegkundige".

Keda alerta pa estafa riba rednan social!


No click riba aviso paga (sponsored ad) cu ta usando imagen di Aruba Today.
Bishita solamente e pagina oficial di Facebook, Aruba Today News, of e website
www.arubatoday.com.

Si bo haya algun problema, nos t'ey pa yuda: bondia.aruba@gmail.com



EU ta acusa TikTok di viola su reglanan digital cu falta di transparencia riba avisonan

(AP) - EU (Union Europeo) su reguladornan a acusa TikTok diahuebs di ta den violacion di e reglanan pa contenido digital pa motibo cu e no ta suficientemente transparente tocante avisonan cu usuarioonan ta mira riba e aplicacion.



TikTok su sistema di aviso no ta na e standard cu e bloke su Digital Services Act, conoci como DSA, segun e bloke di union di 27 nacion su Comision ehecutivo a bisa den resultado preliminar di

su investigacion. E Comision a bisa cu e base di dato di aviso ta vital pa investigadornan detecta avisonan cu ta un estafa ademas di campananan di menasa hibrido, operacionnan di informacion coordina y avisonan falso, "incluyendo den e contexto

di eleccion." DSA ta un buki di regla mas amplio cu tin e meta di limpia e plattformanan di rednan social y proteha e usuarioonan di riesgonan incluyendo desinformacion relaciona cu e eleccion. Plattformanan mester ta transparente tocante avisonan digital, incluyendo informa e usuarioonan dicon nan ta mirando un aviso en especifico y ken a paga p'e.

E Comision a bisa cu TikTok no ta provee e informacion necesario tocante e contenido

di e aviso, e usuarioonan cu mira e aviso y ken ta paga pa nan. E base di dato no ta permiti tampoco pa un buskeda comprensivo tocante avisonan basa riba e informacion aki, "di e manera aki limitando con util e herment ta," el a bisa.

TikTok a bisa cu e lo evalua e Comision su resultadonan y keda comprometi na cumpli su obligacionnan cu DSA. "Mientras nso ta sostene e metanan di e regulacion y sigui mehora nos hermentnan di transparencia di aviso,

nos ta den desacuerdo algun di e Comision su interpretacion y ta mira cu guia ta entrega via resultadonan preliminar na luga di guianan cla y publico," e compania a bisa den un declaracion.

E base di dato di aviso su fayonan ta preveni "un inspeccion completo" di e riesgonan cu si sistema di aviso ta posee, segun Henna Virkkunen, e comision su vice presidente ehecutivo pa soberania den tecnologia, seguridad y democracia a comenta.

Oficialnan Tailandes ta confisca mas cu 200 ton di desperdicio electronico importa for di Merca

(AP) - Oficialnan Tailandes a bisa diaranson cu nan a confisca 238 ton di desperdicio importa ilegalmente for di Merca na e waf di Bangkok, un di e lot mas grandi cu nan a haya e aña aki.

E desperdicio, cual a drenta den 10 container grandi, tabata declara como un mescla di restonan di metal pero en realidad tabata varios parti electronico mescla cu restonand i metal, segun Theeraj Athanavanich, director-general di e departamento di Aduana. A haya e cargamento durante un inspeccion aleatorio.

Un rapport di U.N a bisa cu

desperdicio electronico ta aumentando den henter mundo. Alrededor di 62 miyon ton di desperdicio electronico a keda genera den 2022 y e cifra aki ta na caminda pa yega 82 miyon ton pa aña 2030, e rapport a bisa. El a bisa cu solamente 22% di e desperdicio ta cautelosamente colecta y recicla den 2022 y cu cantidad ta anticipa di cay te na 20% pa fin di e decada a causa di consumo mas halto, limita opcionnan di reparacion, ciclo di producto mas cortico y maneho inadecua di infraestructura.

Theeraj a bisa cu e autoridadnan Tailandes ta buscando manera di trece dilanti acusacionnan incluyendo declara-

cion falso di importacion, importacion ilegal di desperdicio electronico y plan di regresa e desperdicio na su pais di origen. "E ta importante pa nos tuma accion tocante e tipo di bienes aki," el a bisa. "Tin impacto ambiental cu ta peligroso pa e hendenan aki, specialmente e comunidadnan alrededor di fabricanan cu por importa e cosnan aki pa procesa y despues reciclahe."

Desperdicio electronico ta crea problemanan serio pa salud. Varios di e componen-tenan ta yen di toxinan. Esnan cu ta recicla ta buscando e oro, silver, palladium y koper, mas tanto for di e 'circuit board,' sinembargo control

cu no ta estricto ta nifica cu e facilidadnan hopi biaha ta kima plastic pa yega na e koper y ta usa metodonan cu no ta safe pa extrae e metalnan valioso.

Tailandia a aproba un prohibicion riba e importacion di un rango di productonan di desperdicio den 2020. E Gabinete den februari a aproba un lista expandi di e desperdicio prohibi.

Sunthron Kewsawang, director general di Department of Industrial Work a bisa cu e oficialnan a sospecha cu por lo menos 2 fabrica den e provincia Samut Sakhon, cual ta na frontera cu Bangkok, ta involucra den e importacion



aki.

Den januari, e departamento di Aduana a bisa cu el a confisca 256 ton di desperdicio electronico importa di manera ilegal for di Hapon y Hong Kong na e waf di Tailandia.

Papa Leo XIV ta bolbe rednan social cu un mensahe di paz

(AP) - Papa Leo XIV a tuma over e Vaticano su cuentanan di rednan social oficialmente, cu un prome publicacion riba Instagram diamars ripitendo e prome palabranan cu el a duna mundo como Papa: "Peace be with you all!"

E cuenta, @Pontifex - Papa Leo XIV, su publicacion tabata compaña pa algun di e potretnan cu a documenta e prome dianan di e prome Papa Meri-

cano den historia. E Vaticano a bisa cu e lo archiva e publicacionnan di Papa Francisco su 12 aña den e posicion. Riba X, e cuenta nobo no tabata activo diamars.

E Vaticano a lansa e cuenta @Pontifex den 2012 durante e pontificado di Papa Benedicto XVI. Awo, e ta disponible awo den 9 idioma - Ingles, Spaño, Portugues, Italiano, Frances, Aleman, Polcao, Arabe y Latin - y ta conta cu 52 miyon siguido combina.

Papanan den pasado no tabata realmente haci e publicacionnan, cual tabata cura pa Vaticano.

E ex Cardinal Robert Prevost ocasionalmente a publica riba X den un cuenta cu a habri den 2011. E tabata inactivo desde juli di 2023 pero a bolbe anteriormente e aña aki pa comparti su critica contra e administracion di Trump su politicanan di migracion y comentarionan haci pa e Vice Presidente JD Vance.



Ambulance a bay pa un
persona cu a cuminsa haya
atake di curason riba caya



Na yegada di e ambulance
nan a atende e persona y a
transport'e pa hospital.

lance na e sitio.

A rear view of a white Volvo SUV, likely a police vehicle, featuring blue and yellow diagonal stripes. The word "POLIS" is visible on the rear window, and the license plate reads "D-296". The number "63" is also visible on the lower left of the rear panel. The vehicle is parked in front of a building with a green fence in the foreground.

Diaranson merdia a bolbe drenta informe di e mesun persona cu e mesun problema e biaha aki polis tambe tabata t'ey y hunto cu ambulance a hib'e pa respaldo.

Merca: Hospital na Georgia ta bisa famia di dama fayecido cu e mester carga su fetus te nacemento debi na prohibicion di aborto

(AP)—Un dama na Georgia cu a tin morto cerebral despues di emergencia medico a keda riba sosten di bida pa tres luna pa laga su fetus crece suficiente pa nace, un movida cu segun e hospital tabata rekeri bao leyman estricto di prohibicion di aborto, manera e famia a bisa.

Cu e fecha di nacemento mas di tres luna leu, e por ta un di e embarasonan mas largo. E famia di e fayecido ta frustra cu e ley di Georgia cu ta prohibi aborto un bes cu detecta actividad cardiaco no ta permiti e famia pa dicidi si e dama ta keda riba sosten di bida.

E yamado “ley di batimento di curason” ta entre e statuutnan di aborto restrictivo cu a ser implementa den hopi estado conservativo desde cu e Corte Supremo a anula e ley federal di Roe v. Wade tres aña pasa.

Adriana Smith, un dama di 30 aña, a ser declara cerebralmente morto—nificando cu e ta legalmente morto—na februari, segun su mama April Newkirk a conta medio di comunicacion WXIA.

Newkirk a bisa cu su yiu muher tabata dolor di cabes intensivo pa mas cu tres luna y a bay na e Northside Hospital na Atlanta, unda el a



ricibi medicacion. E proximo mainta, su pareha a hay’e ta lucha cu halamento di rosea y a yama servicionan di emergencia. Emory University Hospital a determina cu



e tabatin trombose den su cerebro y a ser declara cerebralmente morto.


hibicion manera Georgia cu ta cuminsa despues di seis siman.



















Newkirk a bisa cu Smith tin 21 siman na estado. Pa kita su tubonan di oxigeno y otro aparato di salba bida lo probablemente resulta den e morto di e fetus.





Manera e otronan, e prohibicion di Georgia ta inclui un excepcion si un aborto ta necesario pa mantene e bida di e mama. E excepcionnan ey ta central den preguntanan legal y politico, incluyendo un huicio den e Corte Supremo di Texas aña pasa cu ta prohibi aborto hasta ora detecta complicacionnan severo di embarazo.

E famia di smith, incluyendo su yiu homber di cinco aña, ainda ta bishitando e den hospital. Newkirk a conta WXIA cu dokternan a conta e famia cu e fetus tin likido den cerebro y cu nan ta preocupa pa su salud. “E ta na estado cu mi nieto. Pero e por ta ciego, kisas e no lo por cana, of hasta ni sobrevivir un bes cu e nace,” Newkirk a bisa. E no a bisa si e famia kier kita Smith for di sosten di bida.

E ley a ser adopta na 2019 pero solamente aplica te ora Roe v. Wade a ser anula na 2022, habriendo porta pa prohibicion di aborto den varios estado. 12 estado ta aplicando prohibicion di aborto durante tur etapa di embarazo y tres otro tin pro-

| | | | |
|---|--------|--|----------|
| Resultado Sorteo Mei 15 | |  | |
| Cadena Alexander Lottery ta presenta resultado di weganan di suerte | | | |
| DIARIO | KORSOU | SUPER4 | FLAMINGO |
| 0186 | 6133 | 5987 | 1234 |
| 0662 | 2123 | SUPER5 | 0426 |
| 3446 | 0865 | - | 0129 |

| | | | | | | | | | | | | | | | |
|---|---|--|---|-------|--------|-----------------|--|-----------|--|----------------|--|-----------------|--|----------|--|
| MERDIA | ANOCHI | | | | | | | | | | | | | | |
|  Sorteo # 4621 7653 9606 3632  X2  Sorteo # 4621 6239  X2  Sorteo # 2677 1559  Sorteo # 4621 6715 Tauro  Sorteo # 1495 812  X2 |  Sorteo # 8545 4025 6084 6204  FP  Sorteo # 7589 0834  X2  Sorteo # 2294 2453  Sorteo # 6348 8749 Capricornio  Sorteo # 1278 059  X2 |  Sorteo # 0 x Jackpot 0 x Match 4+ 0 x Match 4 0 x Afl. 12,00  Sorteo # 6827 0 x Jackpot 8 x Match 4 249 x Afl. 8,00 | <table><tr><td>Joker</td><td>Letter</td></tr><tr><td colspan="2">Proximo Jackpot</td></tr><tr><td colspan="2">480.000,-</td></tr></table> <table><tr><td colspan="2">02-05-07-18-25</td></tr><tr><td colspan="2">Proximo Jackpot</td></tr><tr><td colspan="2">94.000,-</td></tr></table> | Joker | Letter | Proximo Jackpot | | 480.000,- | | 02-05-07-18-25 | | Proximo Jackpot | | 94.000,- | |
| Joker | Letter | | | | | | | | | | | | | | |
| Proximo Jackpot | | | | | | | | | | | | | | | |
| 480.000,- | | | | | | | | | | | | | | | |
| 02-05-07-18-25 | | | | | | | | | | | | | | | |
| Proximo Jackpot | | | | | | | | | | | | | | | |
| 94.000,- | | | | | | | | | | | | | | | |

| | | | | | | |
|--|---|-----------|-----------------|-----------|----------------|--|
|  Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 | <table><tr><td>Mega Ball</td></tr><tr><td>Proximo Jackpot</td></tr><tr><td>320.000,-</td></tr></table> <table><tr><td colspan="2">Afl. 420.000,-</td></tr></table> | Mega Ball | Proximo Jackpot | 320.000,- | Afl. 420.000,- | |
| Mega Ball | | | | | | |
| Proximo Jackpot | | | | | | |
| 320.000,- | | | | | | |
| Afl. 420.000,- | | | | | | |
|   Sorteo # |  | | | | | |





Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

**Fundacion Autismo
Aruba**

Irenestraat 21 Aruba
297-588-1179

**Fundacion Pa Nos
Muchanan**

Cumana 2 Aruba
297-583-4247

**Fundacion Tel Pa
Hubentud**

Wilhelminastraat 19
Aruba
297-588-6138

**Koningin Wilhelmina
Fonds**

Spinozastraat 9 Aruba
297-582-0412

Mary Joan Foundation
Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel: 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

**Stichting Fundacion
Guia Mi**

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad **San Nicolas**
Hospital **Imsan**
7:00 pm / 10:00 pm **24 ora**

Botica na warda

Oranjestad: **San Nicolas:**
Eagle Aloe:
Tel. 587 9011 Tel. 584 4606
EMERGENCIA **911**

POLIS

Oranjestad **100**
San Nicolas **104**
Santa Cruz **105**
Noord **107**
Tip Line **11141**
Brandweer **115**
Ambulance **911**
Hospital **527-4000**
Imsan **524-8833**
Warda Costa **913**
Seguridad Nacional **11911**
Cruz Cora **582-2219**

BOTICA

Aloe **584-4606**
4 Centro Medico **584-5794**
Central **585-1965**
Dakota **588-7364**
Del Pueblo **582-1253**
Eagle **587-9011**
Kibrahacha **583-4908**
Maria **585-8145**
Di Servicio Noord **586-4606**
Oduber **582-1780**
Paradera **588-6638**
San Lucas **584-5119**
Santa Anna **586-8181**
Santa Cruz **585-8028**
Sero Preto **584-4833**
Trupial **583-8560**

UTILIDAD

Setar **117**
Web **525-4600**
Elmar **523-7147**

FUNERARIA

Aurora **588-6699**
Royal Funeral H. **586-4444**
Ad Patres **584-2299**
Olive Tree **584-8888**

Servicio di Taxi

**Aruba Transfer Tour &
Taxi C.A.**
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Mas di mil barista di Starbucks ta welga contra codigo di bistimenta nobo

(AP) - Mas di mil barista di Starbucks na 75 tienda di Merca a welga diadomingo pa manifesta contra un codigo di bistimenta nobo di e compania, un sindicato cu ta representa e gigante su empleadonan a bisa diaranson.

Starbucks a implementa limitenan nobo cuminsando di aluna tocante kico e baristanan pro bisti na trabao. E codigo di bistimenta ta rekeri pa e empleadonan den tiendanan opera pa e compania y licencia na Merca y Canada bisti blusa of t-shirt preto y khaki cu jeans preto of blauw.

Bao e codigo di bistimenta anterior, nan por a bisti un rango mas amplio di colornan scur y t-shirt of blusa cu diferente patron riba nan, Starbucks a bisa cu e reglanan nobo aki lo haci e color berde di e uniform resalta mas y crea un sentido di familiaridad pa e clientenan mientras e ta purba establece un ambiente mas caluroso y familiar den su tiendanan.

Sinembargo Starbucks Workers United, e sindicato cu ta representa e empleadonan di 570 di Starbucks su 10,000 sucursal a bisa cu e codigo di bistimenta mester ta suheto na negociacion colectivo. "Starbucks a perde su caminda. Na luga di tende e baristanan cu ta haci e experiencia di Starbucks loke e ta, nan ta enfoca riba e cosnan incorrecto, manera e implementacion di un codigo di bistimenta cu ta trece restriccion," Paige Summers, supervisor di Starbucks na Maryland a comenta. "Clientenan no ta worry cu ki color bo paña ta ora cu nan tin cu warda 30 minuut pa un koffie."

Summers y otronan tambe a critica e compania pa bende paña cu e marca di Starbucks riba un website interno cu e empleadonan no por usa mas pa trabao. Starbucks a bisa cu e lo duna e 2 blusa of t-shirt preto na cada un di e empleadonan na momento cu el a anuncia e codigo di bistimenta nobo.

Starbucks a bisa diaranson cu e welga a tin impacto minimo riba su operacionnan. Segun e mesun sindicato su propio cifranan, menos di 1% di e empleadonan di Starbucks ta



participando den e welganan, y den algun caso e welga a causa cu tiendanan mester a cera pa mey ora segun e compania.

"E lo a ta mas productivo si e sindicato lo a pone e mesun esfuerso cu nan a pone den

manifesta contra bisti t-shirt preto na trabao den sinta back na pesa," Starbucks a bisa den un declaracion. "Mas di 99% di nos tiendanan ta habri awe dunando servicio na e clientenan - di mesun manera cu henter e siman."

Pronostico di tempo

Tempo:

Awe nochi: parcialmente nubia y generalmente seco
Den marduga y mañan: parcialmente nubia cu un awasero breve

Temperatura maximo 33 grado Celsius

Temperatura minimo 28 grado Celsius

Indice di calor (heat index) den y rond di oranan di merdia: 34 pa 40 grado Celsius
Uv index: 12

Bahada di solo : 6:57pm
Subida di solo : 6:15am

Biento:

Moderada direccion oost; forsa 3 te 4 (12 te 30km/ora, 07 te 16 nudo)
Den di dia basta fuerte te fuerte den rafaga; forsa 5 te 6 (31 te 50km/ora, 17 te 27 nudo)

**Situacion general di
tempo:**

Durante e periodo di pronostico aki no ta spera mucho cambio den e weer actual. Sinembargo, den oranan di marduga y mainta humedad por bira suficiente pa desaroya localmente algun



awasero breve riba e isla.

Un concentracion leve te modera di stof di Sahara lo ta presente den atmosfera regional. Esaki lo stroba visibilidad un poco y lo trece aire di menos calidad den region.

Personanan cu tin sensibilidad pa cambio den calidad di aire mester tene esaki na cuenta.

**Condicionnan maritimo/
estado di lama:**

Na partinan protege di costa: keto, rond di 1 pia.
Na partinan zuid: trankil cu lama di 1 pa 3 pia.
Na partinan oost te noordwest di costa: generalmente modera cu olanan di 4 pa 6 pia.



Aurora

Royal Pray

Funeral Home & Crematory

Lagrima y flornan por
seca, su recuerdonan
y tur loke el a haci y
significa pa nos, lo keda
graba pa semper den nos
mente y curason.
“Cerca Dios mi alma ta
na paz, ta di DJ'E mi
salbacion ta bin”
Salmo 62:1



Nos ta anuncia
fayecimento di:

Amrita Ricao-Manuela
*29-11-1958 - †12-05-2025

Na number di su:

Casa: †Elvis Ricao

Yiunan:
Rachida Ricao
Patrick Ricao

Rumannan:
Albert Manuela
Anelda Manuela
Rudsel & Thelma Manuela
Lytienne & O'Neila Manuela
Lyzette Manuela & Angelo Susanna

Subrina y subrinonan:
Andy & Naomi Manuela
Jataska, Yanaika & Janella Pietersz
Nadine & Kevin Manuela
Sullienne & Lysheena Manuela
Dilayla, Tayir & Crisainy Manuela
TUR CU NAN RESPECTIVA FAMIA

Bon Amiga: Jackeline

Tur sobra Prima y primonan, ex colega y
amistadnan, bisiaña y conosinan

Demas famia: Manuela, Ricao, Baromeo, Ilina,
Pietersz, Martha, Reina, Matrona.

Acto di despedida lo tuma lugar Diasabra 17 di
mei 2025 di 2or pa 4or di atardi na Aurora Funeral
Home.

Cremashon lo tuma lugar den seno familiar.

Aurora

Royal Pray

Funeral Home & Crematory

“Señor ta mi wardador,
mi’n tin falta di nada; den
cunucu di yerba berde e ta
ponemi sosega.
E ta hibami na awa
trankil, pa mi bolbe haña
forsa”
Salmo 23



Cu imenso dolor pero
agradecido pa loke el a
hasi y significa pa nos, ta
anuncia fayecimento di nos
yiu, tata, ruman y amigo
stima:

Sr. FERDINAND “NANDO” A. BONTEKOE
*16 maart 1971 †12 mei 2025

Na number di su:

Yiunan stima:
Alexander “Zamir” Bontekoe y Michelle F.V.
Ferdinand “Agmir” Bontekoe

Mama di su yiunan : Vivian “Milly” Kelly

Mayornan stima:
Willem “Wim” R. Bontekoe y † Emilia “Ina”
Bontekoe – Solognier

Ruman nan:
Cedrick Bontekoe & Edith Gomez y famia
Maurits Bontekoe y famia
Angelique Bontkoe y famia
Mistica “Mimi” Marcera Maduro y Henry
Marcera y famia na Corsou

Suergo y Suegra stima :
Miguel y Louvre Kelly de Lange

Swa nan stima :
Michael Kelly y Valery Croes y famia
Mitchell Kelly y Suhaila Infanzon y famia
Mo Freddy Rasmijn y famia

Subrino y subrinanan, primo y primanan,
amigo y conocirnan, bisiañanan.

Amigonan di su CCC Companashi Carnival
Crew. Vladimir De Cuba, Elsa Krosendijk,
Henry Hernandez, Rodney Westerburger,
Milly Kelly, Arianne Westerburger, Randy Ras,
Ronald Gomez, Alwyn Toppenberg, Sheqayli
Ascencion y Elriq Westerburger.

Demas famia:
Bontekoe, Kelly, Rodgers, Jacobus, Thijsen,
Marcera, Solognier, Rasmijn, Boekhoudt,
Perot, Ponson, Da Silva, v.d.Berg, Ruiz, Garcia,
Koolman y de Lange.

Ta invita pa ceremonia di despedida cu ta tuma
lugar diasabra 17 mei 2025 na Aurora Funeral
Home and Crematory for di 6or te cu 9or pm,
despues lo sigi cu cremacion den seno familiar.

Segun deseo pa bin bisti den colornan alegre pa
recorda Nando su bida.

Nos ta pidi nos mas sincero disculpa si den nos
tristesa nos por a lubida algun famia, amigo of
conocirnan.

Famia ta pidi disculpa cu despues di despedida
nos no por ricibi bishita di condolencia na cas.

Aurora

Royal Pray

Funeral Home & Crematory

“Señor ta mi wardador, mi’n tin
falta di nada. Den cunucu di
yerba berde e ta ponemi sosega. E
ta hibami na awa trankil, pa mi
bolbe haña forza”.
Salmo: 23



Cu profundo dolor den
nos curazon, nos ta anuncia
fayecimento di:

August Ferdinand Maduro
Mihor conoci como “Peyi” of “Freddy”
* 28 augustus 1946 - †11 mei 2025

Na number di su:

Pareha stima: Gianna Koolman

Yiunan: Tammy Maduro y Thijs Backus
Donovan C. Maduro y famia

Rumannan:
† Norma Maduro
† Wijki Maduro, Chibi de Cuba y famia
† Joe Maduro, Myra Arends y famia
† Jichi Maduro y famia
Alchi y Maria Maduro-Tromp y famia
† Quito Maduro, Roslin Kock y famia

Tanta: Lulu y Neeuw Lioe-A-Tjam y famia

Manera yiu: Thalia Croes y Jhon Lopez y famia

Suegra: Felicia Koolman-Kelly

Swa y cuñanan: Aldemara Koolman y famia
Alfredo Koolman y famia
Manolo Koolman

Amigonan: Sharlyn Ruiz, Jenny y Melvin
Loefstok, Henny Snijders, Bano Lopez, Sylvio
Vrolijk, Betran Odor, Jesus Grovell y Jude de Windt

Hunto cu tur primo, prima, bisiaña, amigo y demas
famia, **lo tuma despedida** di Freddy riba diasabra
17 di Mei 2025 na Royal Funeral Home, di 9or pa
10:30or di mainta, **sigi pa un response**. Despues
lo sigi pa Santana Catholico na Noord.

Lo tin un box disponibel pa donacion na Fundacion
CasMarie.

Despues di entierio no lo ricibi bishita di
condolencia na cas.

Aurora

Royal Pray

Funeral Home & Crematory

“ Mi no a muri. Ta p’esey mi no
a bisa ayo. Mi a djis habri mi
halanan y bula bay Keiro. Boso a
keda atras. No laga tristesa domina
boso. Keda uni un cu otro pa mi alma, Esey lo ta un
alegria.
Recorda mi cu hopi amor.”



Cu dolor na nos curason, nos ta participa
fayecimento di nos ser stima:

Sra. Filomena M. Christiaans -Tromp
Cariñosamente yama “Ina, Tanchi Ina of Mama”
*01-11-1955 - †07-05-2025

Acto di entierio lo wordo anuncia despues

Aurora

Royal Pray

Funeral Home & Crematory

Laga tur loke ta spera mi ta
bunita
Laga tur locual cu mi
encontra na caminda ta
bunita
Laga tur locual cu mi laga
atras keda bunita y
Laga esakinan termina den
tur bunita.
Autor: Cado Wever.



**Sra. Veronica
Ramos-Maduro**
Mihor conoci como
“Vera of Dudu”
*13-01-1948
†14-05-2025

Cu dolor na nos curason, nos
ta participa fayecimento di
nos ser stima:

Acto di entierio lo
wordo anuncia
despues

Aurora

Royal Pray

Funeral Home & Crematory

May the road rise up to meet you.
May the wind always be at your back.
May the sun shine warm upon your face,
And rains fall soft upon your fields.
And until we meet again,
May God hold you
In the palm of His hand.

Cu dolor na nos curason, nos ta participa fayecimento di nos ser stima:



Sra. Vda. Carla M. C. Noguera-Croes

Cariñosamente yama “Oma”
*03-10-1940 - †11-05-2025

Casa: †Juan Noguera

Yiunan:

Susan & Oscar Solognier
Ifna Noguera
Alice Noguera & Johnny Milan
Shannon & Rafael Perez Guardiola

Mayornan: †Hildo & †Marianita Croes-Werleman

Mescos yiu:

Yahaira & Gerald Croes-Maduro
Mauricio & Martha Valencia Lopez
Roselyne Etienne

Nieto(a)nan:

Darice Solognier
Andy y Jessica Solognier
Stephanie Solognier & Jennifer Chirino
Kay Campbell
Denise Campbell & Odmar Kelly
Samantha & Denise Laclé-Campbell
Alienne Bisslik
Eric & Alena Bisslik-Samanez
Jean-Pierre Bisslik & Eva Hill
Emlyn Thiel & Benjamine Dania
Zair Thiel
Dominic Croes
Ariana Croes
Jacobo Valencia

Bisanieto(a): Kaylie, Ava, Liam, Ira, Eva, Levi, Leah, Jaylee, Keajay & Dean

Rumanan:

Filomena Alders y Famia
Franklin Croes y Famia
Alvarita Croes y Famia
†Hilda Croes y Famia
Elsa Croes
Agnes Geerman

Suanan y cuña (nan):

†Reina Geerman-Noguera y Famia
†Carlos Noguera y Famia
Maria Geerman-Noguera y Famia
†Ireno Noguera y Famia
Alex Noguera y Famia
Irena Schwengle-Noguera y Famia
Ronny Noguera y Famia
Minerva Noguera y Famia

Tata di su nieto(a)nan: Jerehm Campbell, Eric ‘Iki’ Bisslik & Emiliano Thiel

Ihanan: Giovanni Alders, Mandy Dirks, Catharina Lopez-Rasmijn
Subrino y subrinanan stima di ambos banda di famia, Primo y Primanan, Famianan cerca, Amigonan di infancia & Amigonan di cas, specialmente Nelsi Daza.
Un danki special na Dr. S. Vis y staff, Denise Laclé-Campbell, enfermero/a nan di Tower B piso 4 CCU HOH y ambulancedienst.

Demas famianan: Joey & Patricia Milan, Kimberly & Tais Milan, Rasha, Amy & Destiny Perez

Famia: Croes, Noguera, Solognier, Campbell, Milan, Bisslik, Perez Guardiola, Thiel, Wever, Figaroa, Rasmijn, Kelly, Laclé, Vrolijk, Etienne, Kock, Koolman, Truman, de Cuba, Diaz, Werleman, Geerman, Spellen, Schwengle.

Acto di entiero lo tuma lugar diamars 20 di Mei 9:00 a.m. - 11:00 a.m. Aurora Funeral Home, Cumana.

Oportunidad pa condolencia lo tuma lugar dialuna 19 di Mei 7:00 p.m. - 9:00 p.m. Aurora Funeral Home, Cumana
Nos disculpa si den nos tristesa nos por a lubida un of otro famia/conocir.

Vestuario: colornan pastel/colornan alegre

Aurora

Royal Pray

Funeral Home & Crematory

Hesus a bisa:
“Ami ta resurreccion y e bida; esun cu kere den Mi lo biba, maske e muri. Y tur esnan cu ta biba y ta kere den Mi lo no muri nunca mas. Bo ta kere esaki?”
Juan 11: 25-26

Cu profundo agradecimento, amor y respet, nos ta honra e bida di nos tata, welo, bisawelo y ruman. Un tata cu caracter y disciplina, kende a pasa pa e bida eterno, disfrutando den e presencia di nos Señor.



Nos ta anuncia e transformacion di morto pa bida eterno di

Sr. Miguel Bernardo Boekhoudt

Cariñosamente yama Papa, Opa, Vader, Grandpa
*22-08-1942 - †11-05-2025

Na number di su:

Mayornan: †Lorenzo y †Facunda Boekhoudt-Arends

Compañera di bida y mama di su yiunan:

Martilia (Tila) Loopstok

Yiunan:

Amayra Boekhoudt
Wilma y David Paesch
Shirley (Sherine) y †Roberto (Robby) Peterson
Mickel (Mike) Boekhoudt
Gwendolyn y Edgard Croes
Jenny Boekhoudt

Rumannan di su yiunan:

†Flora (Ia) Rozenberg y famia, Elsa (Eta) y Robert van Ham y famia
Edwin (Tinchy) y Rita Rozenberg y famia, Freddy (Pepe) Rozenberg,
Calicia y Norman Benjamin y famia

Nieto(a)nan:

Kimberly Boekhoudt
Amylenn Paesch, Ishbert Paesch, †Dasellenne Paesch, Rishel y Ena Sokol-Paesch
Joyrick Peterson
Davidlee Boekhoudt, Amber Boekhoudt
Jogard y Edward Everon, Arthur y Emily Arends, Abigayle y Andriu Vasquez
Jennisa Eckmeyer y Gabriel Zambrano

Bisanieto(a)nan:

Dasellenne Paesch, Ishbertsun Paesch, Cataleya Paesch, Mike-Elliott Paesch
Julius Paesch, Adrian Paesch
Daniël Boekhoudt
Amelia Arends, André Vasquez
Aedan Zambrano

Rumannan:

†Antonio (Tony) y Carmen Boekhoudt y famia, †Francisca Boekhoudt y famia,
†Maria Boekhoudt y famia, †Betty Boekhoudt, †Vera Boekhoudt,
Mateo Boekhoudt y famia, †Dionisio Boekhoudt
Tur omo y tantanan den feliz memoria y nan famia.

Swa y Cuñanan:

†Roman y Sira Loopstok y famia, Juan Loopstok y famia,
†Ramiro y Greta Loopstok y famia,
†Raymundo y Mina Loopstok y famia, Feleпина Loopstok y famia, †Angelica Laclé y famia,
Flora y Alicia Croes y famia, Helena Loopstok y famia, Sunilda Carrasquero y famia,
Rafael y Anne Loopstok y famia, Roberto y Luz Loopstok y famia
Suegro y suegra den feliz memoria.

Ayudante na cas: Coleta Zschuschen

Tur sobrino(a)nan, primo(a)nan, comer y compernan, amigonan, bisña, conocirnan y demas famia: Boekhoudt, Loopstok, Paesch, Peterson, Croes, Sokol, Arends, Vasquez, Eckmeyer, Zambrano, de Cuba, Pimienta, Diaz, Odor, Jacobs, Rozenberg, Van Ham, Cornes, Benjamin.

Tin oportunidad pa condolencia riba diabierna, 16 di mei 2025 di 7:00pm pa 9:00pm na Aurora Funeral Home

E acto di entiero ta tuma luga riba diasabra, 17 di mei 2025 di 9:00am pa 11:00am na Aurora Funeral Home
despues ta sali pa santana catolico na Noord.

Nos disculpa si por a lubida un of otro famia.

Despues di entiero no ta ricibi bishita di condolencia na cas.

Aurora

Royal Pray

Funeral Home & Crematory

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23

Nos ta anuncia fayecimento di:



Urbano Ceferino Perez

Mihor conoci como: “Ban”, “Chef Perez” of “Bano”
*08-01-1944 - †08-05-2025

Na number di su:

Yiunan:

Gerald Perez
Mark Perez

Nietanan y nieto:

Jaydee, Stephanie, Kylee, Markita, Myhaily, Dyviënne, Zyziënne, Johnnick Perez

Bisanieta(o)nan:

Ashton, Rylen, Zahvia, Zayla, Edrick

Tata:

†Dominico Urbano Perez “Shon Jan”

Mama:

†Carolina Dorothea Perez-Hill “Nina”

Rumannan:

†Pedro Perez y famia
†Beatrix Perez
Carmen Hoek-Perez y famia
†Dominico Perez y famia “Mariachi”
†Jose Jesus “Chu”, Chita Perez Donata y famia
Castro Perez y famia “Cachi”
Filomena de Cuba-Perez y famia
†Aroldo, Olivia Perez-Maduro y famia
Mama di su yiunan: †Adela maduro

Sobrino y sobrinanan, primo y primanan, ihanan, bisña y amistades, se ex-coleganan di hotelnan, amigonan di Noord, Sta. Cruz y Playa, conosirnan, swanan, cuñanan, amigonan di futbol; Jong Aruba, Seleccion di Antillea, bon amigo Henry Petrochi, amigonan na St. Maarten, Saba, Hulanda, Bonaire y Corsow, Grupo di oracio, Juny y Eta Tromp

Demas famia:

Perez, Maduro, Alvarez, Hoek, Donata, Kelly, Dirks, Henriquez, Hill, Rodriguez, Simon, Wollf, Scharbaay, Ruiz, Kock, Bareño, Luidens, Lampe, Croes, Ter Beek, Angela, Boekhoudt, Commenencia, Rosel, Franken, Geerman, Quijada.

Un danki special na Dr. Cheng

Nos disculpa si den nos tristeza nos por a lubida un of otro famia of conocir.

Oportunidad pa condolencia: diaranson 14 di mei, 2025 na Aurora Funeral Home, di 7:00 pa 9:00 pm

Nos ta invita pa e acto di entiero cu lo tuma lugar diabierna 16 di mei, 2025 di 2:00 pa 4:00 pm na Misa Sta Anna, despue lo sali pa Santana catolico na Noord.

Despues di entiero nos no ta ricibi bishita di condolencia na cas.

Aurora

Royal Pray

Funeral Home & Crematory

Drenta su portanan cu gradicimento, drenta su tempel cu cantica di alabansa, glorific'e, bendiciona su Nomer. Salmo 100:4

Cu dolor na nos curason, pero conforme cuboluntad di Dios, nos ta anuncia fayecimento di:



Sra. Ursula Henry-Kock

*21-10-1937 - †08-05-2025

Vuida di: Rudolf Sonny Henry

Mayornan: †Augustin y †Chela Kock-Bisli

Na number di su:

Yiunan:

Glenda y Nancy Bartels-Kock
Johnny y Deborah Kock-Zichem

Nietonan:

Jevon y Charissa
Semi y Maria
Jo-Anne y Yiannis
Jeshua y Kaylee

Rumannan:

Emitelio (Mito) y †Olga Kock-Romero y famia
†Reineta y †Mario Boezem-Kock y famia
†Andres (Deeshi) y †Rita Kock-Croes y famia
†Evidencio (Codan) Kock y famia
Leopoldo (Poli) y †Angelica (Lica) Kock-Jansen y famia
Helena Kock y yiunan
Mario (Keki) y Maria Kock y famia
Nicolas (Tichi) Kock y famia
Edmund (Etty) y Rosa Kock-Maduro y famia
Alberto (Betty) Kock y Mary Ann Carlos y famia

Mescos cu ruman:

Filomena Krozendijk
Claudia Helmeijer
Margo Bisli-Gregoria
Vera Bisli
Beltra de Cuba, masha danki pa tur ayudo y amor pa mama
Elita de Cuba

Ihanan:

Grecia Kock
Roosje Kock
Glenn Roy Kock
Jundrick Gregoria

Mescos cu yiu:

Andric Gregory Kock
Robert de Cuba

Comader/bon amiga:

Mary Cellaire

Su mihor amigo:

Olivio de Cuba

Tur su coleganan di Penha na Aruba y Corsow.

Tur primo y primanan na Aruba, Hulanda, Merca y Venezuela.

Su comer y compernan.

Mescos cu mama: †Supriana Luciana

Demas famia: Kock, Bisli, Genser, Maduro, Tromp, Bikker, Faro, Barros, Henriques, Angela, Bermudez, Boezem, Fabus, Almendrales Herrera, Cheung, Dañe, Quintero, Perozo, Medina, Wever, Croes, Solognier, Krozendijk, Peña, Luciana, Meurs, Ramirez, Borsje, Hartkamp, Arends, Zichem, Ridderstap, Bislick, de Rey, Bartels, Martinus, Bislick, Acosta, Helmeijer, Bernabela, Luc, Colina, Trimon, Koolman, SantaElla, Bänziger, del Valle Rodriguez, Boekhoudt, Glasford, Hollander, Wernet.

Danki na tur zuster y broedernan di: Amilia Care, especialmente: Yomari, Judella, Lilli, Roxy, Franca, Reeshma

Ta invita pa **acto di entierro** cual lo tuma lugar na Misa Santa Teresita na San Nicolas diasabra 17 di mei 2025, di 1or pa 4or di atardi. Despues lo sali pa Santana Central Sabana Basora.

Nos disculpa si den nos tristesa nos por a lubida un of otro famia of amistadnan.

Despues di entierro nos no por ricibi bishita di condolencia na cas.

Merca: Corte Supremo por blokea Trump su orden di derecho di ciudadano pa nacimiento pero limita mandatonan nacional

(AP)—E Corte Supremo Mericano ta parece dispuesto di mantene un blokea riba e restriccionnan di presidente Donald Trump riba derecho di ciudadano pa nacimiento mientras e ta busca pa un manera pa reduci mandatonan di corte di escala nacional.

No tabata claro con un decision asina lo mustra, pero un mayoria parti di e corte a expresa preocupacionnan tocante kico lo pasa si e administracion di Trump ser permiti, hasta temporalmente, pa nenga ciudadano pa muchanan naci na Merca cu mayornan cu ta den e pais ilegalmente.

E huesnan a tende argumentonan den e apelacion di emergencia di e administracion di Trump tocante e ordennan den cortenan mas abao cu a mantene e restriccion di ciudadano riba pausa den henter e pais. Mandatonan nacional a surgi como un control importante riba e esfuersonan di Trump pa reforma e gobierno y un fuente di frustracion creciente pa e presidente Republicano y su aliadonan.

Huesnan a suministra 40 mandato nacional desde cu Trump a cuminsa su segundo termino na januari, segun Fiscal General D. John Sauer a conta e corte na comienso di e argumentonan.

Derecho na ciudadania pa nacimiento ta entre varios asunto, hopi relaciona cu inmigracion, cu e administracion a puntra e corte pa atende cune riba fondo di emergencia. E huesnan tambe ta considerando e apelacion di e administracion di Trump pa trece un fin na libertad condicional humanitario pa mas cu 500.000 hende di Cuba, Haiti, Nicaragua y Venezuela, y pa



anula otro proteccionnan temporal for di 350.000 Venezolano mas. E administracion ta keda enfrenta batayanan legal tocante su esfuersonan pa deporta hende acusa di ta miembronan di gang pa un prison na El Salvador bao un ley di siglo 18 yama e Acto di Enemigonan Stranhero.

Trump a firma un orden ehecutivo riba e prome dia di su segundo termino cu lo nenga derecho di ciudadano pa muchanan cu ta naci na Merca y cu tin mayornan cu ta bibando den e pais ilegalmente of temporalmente.

E orden ta bay den conflicto cu un decision di Corte Supremo for di 1898 cu ta mantene cu e Clausula di Ciudadano di e di 14 amiendaiento ta haci tur mucha naci riba tera Mericano ciudadano, cu tiki excepcion cu no ta relacion na e caso aki.

Estadonan, inmigrantenan y gruponan di derecho a demanda casi inmediatamente, un cortenan mas abao a actua rapidamente pa prohibi aplicacion di e orden mientras e casonan ta



sigui. E lucha actual ta tocante e reglanan cu ta aplica mientras e casonan ta avansa.

E huesnan liberal di e corte ta parece firmemente den sosten di e huicionan di cortenan mas abao cu a haya cu e cambionan cu Trump kier haci na ciudadania lo bay den conflicto cu comprendemento di derecho di ciudadano pa nacimiento cu a existi pa mas cu 125 aña.

Derecho di ciudadano pa nacimiento ta un caso straño pa usa como herment pa reduci mandatonan nacional, segun Hues Elena Kagan a bisa. "Tur corte a dicidi en contra di bo," el a conta Sauer.

Si e gobierno gana riba nan argumentonan awe, e por ainda aplica e orden contra hende cu no a demanda, Kagan a bisa. "Tur hende ta bay gana. Y esnan cu no por paga pa bay corte, nan ta esun cu ta keda perdi," el a bisa.

Hues Ketanji Brown Jackson a describi e acercamento di e administracion como "gara mi si bo por," forsanando tur hende pa entrega demanda pa asina "para gobierno di viola derechonan di hende."




China ta buscando un frente uni cu Latino America pa contraresta e guerra comercial di Trump

(AP)—China ta moviendo pa fortalece su alianza cu otro paisnan como un contrapeso pa e guerra comercial di presidente Mericano Donald Trump, presentando un frente uni cu lidernan di Latino America un dia despues cu China y Merca acorda pa un tregua di 90 dia den nan bataya di tarifa di impuesto.

E lidernan di China a posicion e segundo economia mas grandi na mundo como un partner comercial cu ta confiable, al contrario cu e incertidumbre y inestabilidad cu e tarifanan di Trump a crea.

Dialuna, Beijing y Washington a anuncia nan logro riba e tarifanan despues di discusionnan na Geneva, Suiza, unda nan a acorda pa corta e tarifanan halto den ambos banda pa 90 dia pa asina permiti negociacion.

Asina mes, e rabia cu Beijing tin tocante e guerra comercial ta keda aparente. Papiando cu oficialnan for di China y Latino America diamars, lider Chines Xi Jinping a reitera e posicion di Beijing cu ningun hende ta gana den un guerra comercial y cu “bullying y



hegemonismo ta resulta den auto-isolacion.”

Moviendo for di e tension entre Merca y China, Xi a bisa cu China ta para cla pa “uni” cu paisnan Latino “den cara di olandan di confrontacionnan politico y a olandan creciente di unilateralismo y proteccionismo.”

Ora Trump a cuminsa aumenta tarifanan riba produccion Chines durante su prome termina den oficina presidencial, China a tuma

medidanan reciproco por medio di diversifica su compra di produccion agricola, manera bonchi di soya y carni, pa otro suministradornan. Brasil y otro paisnan Latino Americano a beneficia di e strategia aki.

Desde cu el a tuma e presidencia un segundo biaha, Trump a priorisa tarifanan halto pa asina reduci importacion y forsa companianan di localisa nan fabrica den Merca, fortaleciendo un guerra comercial cu el a lansa durante

su prome termino.

Papiando na e forum di China-CELAC, of e Comunidad di Estadonan Latino Americano y Caribense, Xi a anuncia plan pa crea un relacion mas cercano cu Latino America via intercambionan politico, economico, academico y seguridad. El a priminti pa aumenta importacion for di e region, pa asina curasha companianan Chines pa aumento nan inversion, y a bisa cu Beijing tin plan pa expande cooperacion

den energia limpi, telecomunicacion 5G y inteligencia artificial. Tambe el a anuncia un liña di credito di 9.2 biyon dollar pa sostene financiamiento den Latino Americano y Caribe.

China su comercio cu e region ta creciendo rapidamente, superando 500 biyon dollar pa prome biaha aña pasa, mientras el a importa mas produccion agricola, recursonan energetico manera azeta curu, hero y mineralnan critico.

Beijing su inversion den e region via e ‘Belt and Road Initiative’, of BRI, a inclui instalacion di rednan 5G y construccion di wafnan y plantanan hidroenergetico.

Den otro promesanan, Beijing ta planea pa invita 300 miembro di partidonan politico den Latino America pa China anualmente durante e proximo tres añanan y facilita 3.500 beca gubernamental y varios otro tipo di intercambio.

Cinco pais Latino Americano lo ricibi exencion di visa pa biaha pa China, cu mas pa sigui, Xi a bisa. No ta inmediatamente claro cua pais lo haya exencion di visa.

Trayecto di Macedonia di Norte pa miembresia den EU ta keda para debina impasse cu Bulgaria

(AP)—Presidente di e Consejo Europeo António Costa a haci yamado diahuebs riba Macedonia di Norte pa cambia su constitucion pa inclui proteccionnan pa su comunidad minoria Bulgariano como un manera pa e pais sigui su caminda pa haya miembresia completo den Union Europeo (EU).

EU a cuminsa cu discusionnan di miembresia cu Albania y Macedonia di Norte na 2022, mientras e guerra na Ucrania a forsa un repensamento di e bloc su proceso di engrandecemento. Macedonia di Norte su oferta a haya retrasa debi na un disputa cu Bulgaria tocante historia, lenguahe y cultura Balcanico. Pa kibra e impasse, e gobierno anterior di Macedonia di Norte a acepta un demanda Bulgariano pa inclui un referencia na e comunidad mi-



noría di hende etnicamente Bulgariano den e constitucion di Macedonia di Norte. Sinembargo, e administracion tabatin falta di un mayoria den parlamento pa implementa e cambio.

Costa a bisa cu awor e pais Balcanico mester cumpli cu loke a acorda riba dje.

“Mi sa cu esaki ta dificil pa logra. Awor ta tempo pa conclui henter e asunto y cuminsa cu un capitulo nobo,” Costa a conta reporteronan na un conferencia di prensa den e capital di Macedonia di Norte, Skopje, hunto cu e prome minister di e pais Hristijan Mickoski. Mickoski, pa su parti, a bisa

cu e engrandecemento di e bloc mester ta basa riba meritonan, no asuntunan bilateral. Su gobierno conservativo, cual a bin na poder aña pasa, a bisa cu e lo amienda e constitucion solamente si Bulgaria aproba prome e miembresia di Macedonia di Norte den EU. “Nos tin un problema, y e mester ta un cuestion di

duna y haya. Si un banda so cumpli, e no ta realistico,” el a bisa.

Costa ta bishitando seis pais Balcanico, cual ta den diferente etapa di nan trayecto pa miembresia completo den EU. Montenegro y Albania ta liderando e esfuerso mientras cu Serbia, Bosnia-Herzegovina, Kosovo y Macedonia di Norte ta cayendo atras.

Na Tirana, su ultimo destinacion di e tour regional, Costa a gaba Albania di ta “riba ruta pa uni cu Union Europeo.”

“Pa mantene e velocidad y intensificando trabao riba reformanan di Union Europeo ta clave awor, particularmente e regla di ley y lucha contra corrupcion,” Costa a bisa na un conferencia di prensa cu prome minister Albanes, Edi Rama.

Reino Uni ta bisa cu e ta den discusion cu otro paisnan pa crea centronan di regreso pa migrantenan

(AP)—Reino Uni ta den discusion cu varios otro pais pa hospeda buscadonan di asilo rechasa mientras nan ta warda pa ser deporta, segun e prome minister Britanico a bisa diahuebs.

Prome minister Keir Starmer a bisa durante un bishita pa Albania cu e concepto di

“centronan di regreso” tabata un “innovacion hopi importante” cu por efectivamente aborda migracion irregular. E no a nombra e paisnan cu e ta den discusion cune ni a ofrece mas detaye.

Albania ya tabatin un acuerdo di cinco aña cu Italia pa posiblemente hospeda te cu 36,000 migrante anualmente

mientras nan peticion pa asilo tabata den proceso na Italia. E acuerdo original—cual ta diferencia for di kico Britania ta ofreciendo—Italia lo tuma back cualkier migrante di ken nan peticion pa asilo ser rechasa y purba deporta nan.

Pero e plan te awor, a fracasa debi na continuo desafionan den cortenan Italiano.



Den april, autoridadnan Italiano a cambia nan acuerdo di desembarcacion di migrante pa un variacion di e model di “centronan di regreso” y a transferi 40 persona pa Albania cu no tabatin permiso

di residencia y di ken nan peticion di asilo a ser rechasa. Esaki tabata e prome biaha cu un pais den Union Europeo a manda buscadonan di asilo rechasa pa un pais no EU cu no tabata ni di nan mes, of na cual nan a transita durante nan biahe.

Prome minister Albano Edi Rama a bisa cu e acuerdo cu Italia tabata “un acuerdo unico” y cu Tirana a rechasa otro peticionnan pa acuerdonan similar cu otro paisnan, descartando e posibilidad cu Reino Uni lo manda buscadonan di asilo rechasa eynan.

Bao e concepto di “centronan di regreso” cu Starmer ta discutiendo, migrantenan di ken nan peticion pa asilo ser rechasa pa Reino Uni lo ser manda pa un tercer pais pa warda deportacion.

Un vocero pa Starmer a bisa cu e meta ta pa preveni buscadonan di asilo rechasa di usa tacticonan pa keda, manera cuminsa famia den Reino Uni, pa asina preveni nan deportacion.

E gobierno Britanico Conservativo cu a ser kita di poder na juli 2024 a planea un programa conservativo pa deporta buscadonan di asilo pa Ruanda, cual nan a bisa tabata un tercer pais sigur. Starmer a yama e programa di su predecesor un truco y a anul’e riba su prome dia den oficina.

Bao e programa ey, buscadonan di asilo lo ser hiba pa Ruanda, cual lo dicidi si ta duna permiso pa asilo eynan.

Varios otro pais den Europeo, incluyendo Hulanda y Suecia, ta buscando pa haci mescos cu e plan di centronan di regreso. E concepto aki a haya sosten pa e Comision Europeo como un manera pa aborda migracion irregular.

FACILITOCASH
Instant Cash

**We are expanding
Join our team!**



We are currently looking for Cash Loan Officer to join our team and play an important role in achieving our business goals.

The role involves telemarketing and in person approaches to prospects within and outside the company.

Key Requirements:

- Team Player
- Sales Experience (preferred)
- Proactive, self-motivated, and organized
- Capable to work in a multi-tasking environment
- Negotiation skills, Communication skills and Customer Service skills
- Computer proficiency

Please send your CV to
jobsaruba@unicomer.com
for any additional information call: 521-1108

FACILITOCASH
Instant Cash

**Like us on
Facebook**



facebook.com/bondianoticia